



春秋集傳

四

□ 12  
3605  
4





門口 12  
號 3605  
卷 4



# 春秋集傳卷之二十二

## 成公一

公名黑肱。宣公子。母穆姜。夫人齊姜。在位一十八年。謚法安民立政曰成。

辛定王十年 齊頃九年 衛穆七年 蔡景二年 鄭襄十五年

年曹宣五年 陳成九年 杞桓四十七年 宋文二十一年 秦桓十五年 楚共王審元年

春王正月公即位 二月辛酉葬我君

春秋集傳

卷之二十二

分類  
子部  
154(5)



# 宣公○無冰

寒極而無冰者常燠反於六也按洪範傳曰豫恒燠若此政事舒緩紀綱弛之象成公幼弱政在三家公室不張其象已見故當涸陰返寒而常燠應之古者日在北陸而藏冰獻羔而啓朝之祿位賔食喪祭冰皆與焉此亦燮調愆伏之一事也今既寒而燠遂廢凌人之職然策書所載皆經邦大訓人有微而不登其姓名事有小而不記其本末雨雹冰雪何以悉書天人一理也萬物一氣也觀於陰陽寒暑之變以察其消息盈虛此制治於未亂慎於微之意也每慎於微然後王事備矣

# 二月作丘甲

作丘甲益兵也古者九夫為井四井為邑四邑為丘四位為甸甸地方八里旁加一里為成所取於民者出長轂一乘此司馬法一成之賦也為齊難作丘甲益兵備敵重困農民非為國之道其曰作者不宜作也唐太宗問李靖楚廣古曠反與周制如何靖曰周制一乘步卒七十二人甲士三人以二十五人為一甲凡三甲共七十五人然則一丘所出十有八人積四丘而具一乘耳今作丘甲者即丘出一甲是一甸之中共百人為兵矣則未知其所作者三甸而增一乘乎每乘而增一甲乎魯至



昭公時嘗蒐于紅車千乘則計旬而增乘未可知也楚人一子廣之法一乘至用百有五十人則魯每乘而增一甲亦未可知也賦雖不同其實皆為益兵其數皆增三之一耳先儒或言甲非人人之所能為又以為丘出甸賦加四倍者誤矣

### 夏滅孫許及晉侯盟于赤棘

初宣公謀以晉人去二桓歸父為是見逐而奔齊矣初季孫當國恨齊人之立宣公納歸父又懼晉侯之或見討也故往結此盟赤棘晉地也其稱及魯所欲也盟非春秋所貴而惡屢盟者非惟長亂亦國用民力所難給也成公即位之初方經大故

未有施舍已責速驟寡救乏困之事也為齊難既作立甲矣聞將出楚師又遠與晉尋盟豈固本保邦之道乎書及晉侯盟于赤棘非特備齊懼晉蓋二桓懷忿懟君父之心將有事于齊而汲汲欲之者罪可見矣

### 秋王師敗績于茅戎

程氏曰王師於諸侯不言敗諸侯不可敵王也於夷狄不言戰夷狄不能抗王也不可敵不能抗者理也其敵其抗王道之失也桓王伐鄭兵敗身傷而經不書敗存君臣之義立天下之防也劉康公邀戎伐之敗績於徐吾氏而經不書戰辨華夷之



分立中國之防也是皆聖人筆削非魯史之舊文也然筆於經者雖以尊君父外戎狄為義而君父所以尊戎狄所以服則有道矣桓王不以討賊與師而急於伐鄭康公不以惇信持國而輕於邀戎是失其所以君天下禦四夷之道也書敗績于茅戎者言自敗也其自反亦至矣

### 冬十月

**壬**定王十  
**申**八年  
**一**卒  
**蔡**景二  
**鄭**襄十六  
**曹**宣六  
**陳**成十  
**杞**桓四十八  
**宋**文二十二  
**卒**秦桓十六  
**楚**共二

宣六陳成十杞桓四十八宋文二十二卒秦桓十六楚共二

### 春齊侯伐我北鄙

初魯事齊謹甚雖易世而聘會不絕也及與晉侯盟于斷音短道而後怨隙成再盟于赤棘而後伐吾北鄙齊侯之興是役非義矣魯人為鞏之戰豈義乎同曰憤兵務相報復而彼此皆無善者則亦不待貶而罪自見矣

夏四月丙戌衛孫良夫帥師及齊師戰于

### 新築衛師敗績

齊師侵壘而以衛主此戰何也衛侯初與晉同盟



于斷道矣。又使世子臧與晉同伐齊矣。又使孫良夫石稷將侵齊矣。及與齊師遇，石稷欲還，良夫不可。曰：「以師伐人，遇其師而還，將謂君何？若知不能，則如無出，今既遇矣，不如戰也。」遂戰于新築。故齊師雖侵，而此戰以衛主之也。春秋善解紛貴遠，怨而惡以兵力相接，故書法如此。

六月癸酉，季孫行父、臧孫許、叔孫僑如、公孫嬰齊帥師，會晉郤克、衛孫良夫、曹公子首及齊侯戰于鞌，齊師敗績。

大國二軍次國二軍，魯雖大國而四卿並將，是四軍也。當此時，舊制猶存，尺地皆公室之土也。一民皆公室之兵也。上卿行父與僑如嬰齊各帥一軍，會戰而臧孫許如晉乞師，又逆晉師為之道。本不將兵，特往來晉魯兩軍之間，預謀議耳。成公初立，主幼國危，為季孫一怒掃境內，興師而四卿並出，肆其憤欲，雖無人乎成公之側，有不恤也。然後政自季氏出矣。將稱元帥，略其副屬，詢之體也。而四卿皆書者，豈特為詳內錄哉？堅冰之戒亦明矣。經之大例，受伐者為主，而此以四國及之者，以一矢之微，殘民毒衆，幾獲其君，而怒猶未息，焚雍門之茨，侵車東至海，故以四國主之為怒兵之大戒見。



諸行事深切著明矣

秋七月齊侯使國佐如師己酉及國佐盟于袁婁

齊國佐如師與楚屈完來一也然陘之役則曰來盟于師盟于召陵寧之戰則曰及國佐盟于袁婁何也荆楚暴橫馮陵諸夏齊桓公仗義聲罪致討威行江漢之上不待加兵而楚人帖服其書來盟于師者楚人自服而求盟也盟于召陵者桓公退舍禮與之盟也在春秋時斯為善矣若夫袁婁則異於是齊雖侵虐未若荆楚之暴也諸國大夫含

憤積怒欲雪一矢之耻至於殺入盟野非有擊強扶弱之心國佐如師將以賂免非服之也晉大夫又不以德命使齊人盡東其畝而以蕭固叔子為質夫蕭固叔子齊君之母也則亦悖矣由是國子不可請合餘燼背城借一揖而去之郟克使魯衛之使以其詞為之請逮于袁婁而與之盟則汲汲欲盟者晉也故反以晉人及之若此類見曲直之繩墨矣是故制敵莫如仗義天下莫大於理而強有力不與焉亦可謂深切著明矣

八月壬午宋公鮑卒○庚寅衛侯速卒



### 取汶陽田

汶陽之田本魯田也取者得非其有之稱不曰復而謂之取何也特大國兵力一戰勝齊得其故壤而不請於天王以正疆理則取之不以其道與得非其有奚異乎然則宜柰何考於建邦土地之圖若在封域之中則先王所錫先祖所受經界世守不可亂矣不然侵小得之春秋固有興滅國繼絕世之義必有處也會在戰國時地方五百里而孟氏語慎子曰如有王者作在所損乎在所益乎經於復其故田而書取所損益亦可知矣

### 冬楚師鄭師侵衛十有一月公會楚公子嬰齊于蜀

按左氏魯衛受盟于晉從於伐齊故楚為陽橋之役令尹子重曰師衆而後可於是王卒盡行二國稱師著其衆也侵衛則書侵我師于蜀致賂納質沒而不書非諱也書其重者則莫重乎其以中國諸侯降班失列下與夷狄之大夫會也季孫行父為國上卿當使其君尊榮其民免於侵陵之患而危辱至此特起於忿悵肆其褊心而不知制之以禮也書曰必有忍乃其有濟懲忿窒慾德之脩也



不悛不求行之善也躬自厚而薄責於人遠怨之方也季孫忿悻弗能懲也而辱逮君父不亦僭矣故春秋史外傳心之要典也考其行事深切著明於以反求諸已則亦知戒矣

丙申公及楚人秦人宋人陳人衛人鄭人齊人曹人邾人薛人鄆人盟于蜀

盟而魯與必先書公尊內也次書主盟者衆所推也此書公及楚人則知主盟者楚也公子嬰齊秦石說宋華元陳公孫寧衛孫良夫鄭去疾皆國卿也何以稱人楚僭稱王春秋黜之比諸夷狄晉雖

不競猶主夏盟諸侯苟能任仁賢修政事保固疆圉安結鄰好同心擇義堅事晉室荆楚雖大何畏焉今乃西向服從而與之盟不亦耻乎古者用夏服夷未聞服於夷也乃是之從亦為不善擇矣經於魯君盟會不信則諱公而不書不臣則諱公而不書棄中國從夷狄則諱公而不書蜀之盟棄晉從楚書公不諱何也事同而既貶則從同同正始之義也從荆楚而與盟既諱公於僖十九年齊之盟矣是以於此不諱而人諸國之大夫以見意也

癸定公十年 五年 晉景十二年 齊頃十一年 衛定公 九年 蔡景四年 鄭襄十



七曹宣七陳成十一杞桓四十九  
宋共公固元年秦桓十七楚共三

### 春王正月公會晉侯宋公衛侯曹伯伐鄭

按左氏諸侯伐鄭討邲音之役也遂東侵鄭公子  
偃帥師禦之覆諸鄭音敗諸立輿夫討邲之役  
則復怨勤民非觀釁也遂東侵則潛師掠境非以  
律也覆而敗諸則專用詐謀非正勝也度彼參此  
皆無善也略而不紀勝負微也晉侯稱爵而以伐  
書何也初為是役必以鄭之從楚也附蠻夷擾中  
國則盟主有詞于伐耳宋衛未葬曷為稱爵皆殞  
越境以吉禮從金革之事也

### 辛亥葬衛穆公○二月公至自伐鄭○

### 甲子新宮災三日哭

廟災而哭禮也得禮為常事則何以書音氏劉  
絢曰新宮者宣宮也不曰宣宮者神主未遷也知  
然者丹楹刻桷皆稱桓宮此不舉謚故知其未遷  
也宮成而主未入遇災而哭何禮哉宣公薨至是  
二十有八月緩於遷主可知矣言災則不恭之致  
亦自見矣此說據經為合或曰禮稱有焚其先人  
之室則三日哭新宮將以安神主也雖未遷而哭  
不亦可乎曰先人之室蓋寤寢於斯食於斯會族



屬於斯其居處笑語之所在皆可想也事死如事  
生故有焚其室則哭之禮也神主未遷而哭於人  
情何居

### 乙亥葬宋文公

按左氏文公卒始厚葬益車馬重器備君子謂華  
元樂舉於是乎不臣考於經未有以驗其厚也數  
其葬之日則信然矣天子七月諸侯五月大夫三  
月士踰月以降殺遲速為禮之節不可亂也文公  
之卒國家安靖外無危難曷為越禮踰時逮乎七  
月而後克襄事哉故知華元樂舉之棄君於惡而  
益其侈無疑矣夫禮之厚薄稱人情而為之者也

宋公在殯而離次出境從金革之事哀戚之情忘矣  
顧欲厚葬其君親此非有所不忍於死者特欲誇  
耀淫侈無知之人耳世衰道微禮法既壞無以制  
其侈心至於秦漢之間窮竭民力以事立隴其禍  
有不可勝言者春秋據事直書而其失自見此類  
是也豈不為永戒哉

### 夏公如晉 ○鄭公子去疾帥師伐許 ○

### 公至自晉

宣公薨至是三年之喪畢矣宜入朝京師見天子  
受王命然後歸而即政可也嗣守社稷之重而不



朝于周以拜汶陽田之故而往朝于晉其行事亦悖矣此春秋所為作也公行多不致其書公至自晉何其至也必有以也

### 秋叔孫僑如帥師圍棘

按左氏取汶陽之田棘不服故圍之復故地而民不聽至於命上將用太師環其邑而攻之何也魯於是時初稅畝作丘甲稅役日益重矣棘雖復歸故國所以不願為之民也歟成公不知薄稅歛輕力役脩德政以來之而肆其兵力雖得之亦必失之矣

大雩 ○晉卻克衛孫良夫伐齊咎如 ○

冬十有一月晉侯使荀庚來聘衛侯使

孫良夫來聘丙午及荀庚盟丁未及孫

良夫盟

劉敞曰諸侯有聘無盟聘禮也盟非禮也庚與良夫不務引其君當道而生事專命為非禮不信以干先王之典故不繫於國以見其逐事之辱非人臣之操此詭然也其言及者公與之盟而不言公



見一卿之抗也盟者春秋所惡於惡之中又有惡焉者此類是也

### 鄭伐許

稱國以伐狄之也晉楚爭鄭鄭兩事焉及邲之敗於是乎專意事楚不通中華晉雖加兵終莫之聽也至此一歲而再伐許甚矣夫利在中國則從中國利在夷狄則從夷狄而不擇於義之可否以為去就其所以異於夷者幾希况又馮弱犯寡一歲之中而再動干戈於鄰國不既甚乎春秋之法中國而夷狄行者則狄之所以懲惡也以為告辭略而從告乃實錄耳一字為褒貶義安在也

甲定王二十

### 四年

晉景十三齊頃十二衛定二蔡景五鄭襄十八卒曹

宣八陳成十二杞桓五十宋共二秦桓十八楚共四

春宋公使華元來聘 ○三月壬申鄭伯

堅卒 ○杞伯來朝 ○夏四月甲寅臧孫

許卒 ○公如晉 ○葬鄭襄公 ○秋公至

自晉 ○冬城鄆 ○鄭伯伐許



前此鄭襄公伐許既狄之矣今悼公又伐許乃復稱爵何也喪未踰年以吉禮從金革之事則忘親矣稱爵非美詞所以著其惡也

乙亥

定王二十一年崩

五年

晉景十四齊頃十三衛定三蔡景六鄭悼公費

元年曹宣九陳成十三杞桓五十一宋共三蔡桓十九楚共五

### 春王正月杞叔姬來歸

前書杞伯來朝左氏以為歸叔姬也此書杞叔姬來歸則出也春秋於內女其歸其出錄之詳者男女居室人之太倫也男子生而願為之有室女子

生而願為之有家父母之心人皆有之而不能為之擇家與室則夫婦之道苦淫僻之罪多矣王法所重人倫之本錄之詳也為世戒也

### 仲孫蔑如宋 ○夏叔孫僑如會晉荀首于

### 穀 ○梁山崩

梁山韓國也詩曰奕奕梁山韓侯受命而謂之韓奕者言奕然高大為韓國之鎮也後為晉所滅而大夫韓氏以為邑焉書而不繫國者為天下記異是以不言晉也左氏載絳人之語於禮文備矣而未記其實也夫隆服乘縵徹樂出次祝幣史辭六



者禮之文也古之遭變異而外為此文者必有恐懼脩省之心主於內若成湯以六事檢身高宗克正厥事宣王側身脩行欲銷去之是也徒舉其文而無實以先之何足以弭災變乎夫國主山川至於崩竭當時諸侯未聞有戒心而脩德也故自是而後六十年間弑君十有四亡國二十二其應亦惜矣春秋不明著其事應而事應具存其可忽諸

秋大水○冬十有二月己酉天王崩○十有二月己丑公會晉侯齊侯宋侯衛侯

鄭伯曹伯邾子杞伯同盟于蟲牢

按左氏許靈公愬鄭伯于楚鄭伯如楚訟不勝歸而請成于晉盟于蟲牢鄭服也鄭服則何以書同盟天王崩赴告已及在諸侯之策矣以所聞先後而奔喪禮也而九國諸侯會盟不廢故特書同盟以見其皆不臣春秋惡盟誓於惡之中又有惡焉者此類是也

春秋集註卷二十二終



春秋集言卷二十三

成公三年

成公三年春三月癸酉葬宣公。夏四月辛巳葬宣公。五月辛巳葬宣公。六月辛巳葬宣公。七月辛巳葬宣公。八月辛巳葬宣公。九月辛巳葬宣公。十月辛巳葬宣公。十一月辛巳葬宣公。十二月辛巳葬宣公。

# 春秋集傳卷之二十三

## 成公三

丙簡王六年 晉景十五 齊頃十四 衛定四 蔡景七 鄭悼二 卒 曹宣十 陳

成十四 祀 桓五十一 宋共四 秦 桓二十 楚共六 吳子壽夢元年

春王正月公至自會二月辛巳立武宮

武宮武公之宮立武宮非禮也喪事即遠有進而無退宮廟即遠有毀而無立故二昭二穆與太祖



而五者諸侯之廟制也曰考廟曰王考廟皆月祭  
焉曰顯考廟曰祖考廟享嘗乃止去祖為壇去壇  
為墀音善壇墀有禱則祭無禱乃止去墀為鬼諸侯  
之祭法也武公至是歷世十一其毀已久而輒立  
焉非即遠有終之意故特書曰立立者不宜立也

### 取鄆

鄆微國也書取者滅之也滅而書取為君隱也項  
亦國也其書滅者以僖公在會季孫所為故直書  
其事而不隱此春秋尊君抑臣以辨上下謹於微  
之意也人倫之際差之毫釐繆以千里故仲尼特  
立此義以示後世臣子使以道事君而無朋附權

臣之惡於傳有之犯上于主其罪可救乘忤貴臣  
禍在不測故臣子多不憚人主而畏權臣如漢谷  
永之徒直攻成帝不以為嫌至於王氏則周旋相  
比結為死黨而人主不之覺此世世之公患也歸  
父家遺緣季氏也事見左傳宣公十一年朝吳出奔因無極  
也事見左傳昭公十五年王章殺身忤王鳳也鄴侯寄館避  
元載也惟殺生在下而入主失其柄也是以黨與  
衆多知有權臣而不知有君父矣使春秋之義得  
行尊君抑臣以辨上下  
每謹於微豈有此患乎

衛孫良夫帥師侵宋夏六月邾子來朝



○公孫嬰齊如晉○壬申鄭伯費卒○秋

仲孫蔑叔孫僑如帥師侵宋

魯遣三卿為主將動大衆焉有事於宋而以侵書者潛師侵掠無名之意蓋陋之也於衛孫良夫亦然上二年嘗會宋衛同伐鄭矣次年宋使華元來聘通嗣君矣又次年魯使仲孫蔑報華元矣是年冬鄭伯皆楚求成于晉而魯衛與宋又同盟于蟲牢矣今而有事於宋上卿受鉞大衆就行而師出無名可乎故特書侵以罪之也左氏載此師晉命也後二年宋來納幣請伯姬焉則此師為晉而舉

非魯志明矣兵戎有國之重事邦交人道之大倫聽命於人不得已焉將能立乎春秋所以罪之也

楚公子嬰齊帥師伐鄭○冬季孫行父如

晉○晉欒書帥師救鄭

荆楚僭號稱王聖人比諸夷狄而不赦者大一統以存周使民著於君臣之義也鄭能背夷即華是改過遷善出函谷而遷喬木也嬰齊為是帥師又因其變而伐之不義甚矣經所以深惡之也書卿帥師代鄭於文無貶辭何以知其深惡楚也下書欒武子帥師救鄭則知之矣凡書救者未有不善



之也而伐者之罪著矣按左氏晉楚遇于桑隧軍帥之欲戰者八人武子遂還則無功也亦何善之有曰此春秋之所以善欒書也兩軍相加兵力既接折馘執俘討功受賞此非仁人之心王者之事故舞于而苗格者舜也因壘而崇降者文也左傳見九年次于陘而屈完服者齊桓也會于蕭魚而鄭不叛者晉悼也武子之能不遷戮而知還也亦庶幾哉

丁簡王七年晉景十六齊頃十五衛定五

丑二年蔡景八鄭成公踰元年曹宣

十一陳成十五杞桓五十三宋共五

秦桓二十一楚共七吳壽夢二

春王正月鼯鼠食郊牛角改卜牛鼯鼠又食其角乃免牛

穀梁子曰郊牛日展斛角而知傷展道盡矣其所以備災之道不盡也改卜牛鼯鼠又食其角則亡乎人矣非人之所能也所以免有司之過也有司免過即變異也其應云何許翰曰小害大下賊上食而又食二桓子孫相繼之象也宜公有虞三桓之志至成始弗戒矣理或然也

吳伐邾



稱國以伐狄之也吳本太伯之後以族屬言則周之伯父也何以狄之為其僭天子之大號也按國語云命圭有命固曰吳伯不曰吳王然則吳本伯爵也後雖益熾浸與中國會盟進而書爵不過曰子亦不以本爵與之故紀於禮書曰四夷雖大皆曰子此春秋之法仲尼之制也而以為不敢擅進退諸侯亂名實者誤矣

### 夏五月曹伯來朝○不郊猶三望

吳郡朱長文曰禮天子有四望諸侯則祭境內山川而已魯當祭泰山泰山魯之境也禮所得祭故不書三望猶天子禮是以書之其說是矣楚子軫

言三代命祀祭不越望而曰江漢阻漳楚之望非也楚始受封濱江之國漢水沮漳豈其境內哉此亦據後世并兼封略言之爾

秋楚公子嬰齊帥師伐鄭公會晉侯齊侯宋公衛侯曹伯莒子邾子杞伯救鄭

### 八月戊辰同盟于馬陵

楚人軍旅數期起頻年伐鄭以其皆已而從諸夏也與莊之欲討微舒而入陳亦異矣書大夫之名氏書帥師書伐而無貶詞者所謂不待貶絕而



罪自見者也。晉合八國之君親往救鄭，則攘夷狄安中國之師也。欲著其善，故特書救鄭以表之。言救則楚罪益明，而鄭能背夷，即華善亦著矣。前此晉遣上將，諸國不與焉。此則其君自行而會，合者國則楚人暴橫，憑陵諸夏之勢益張，亦可見矣。故盟于馬陵，而書同盟者，同病楚也。

公至自會。○吳入州來。○冬大雩。○衛

孫林父出奔晉。

戊簡王八年 晉景十七 齊頃十六 衛定六 蔡景九 鄭成二 曹宣十二 陳

成十六 杞桓五十四 宋共六 秦桓二十二 楚共八 吳壽夢三

春晉侯使韓穿來言汶陽之田歸之于齊。

汶陽之田，本魯田也。魯人恃大國之威，以兵力脅齊，得其故地而不正疆理於天主，則取之，不以其道也。卻克戰勝，令於齊曰：反魯衛之侵地，齊既從之，今復有命，俾歸諸齊，則歸之，不以其道也。而齊人貪得，晉有二命，穿也。列卿無所諫，止皆罪也。來言者，緩詞也。歸之于者，易詞也。為國以禮者，無憚於強，而魯侯微弱，遂以歸齊，而不能保罪，亦見矣。



春秋傳言  
晉欒書帥師侵蔡。○公孫嬰齊如宮。○宋  
幣  
公使華元來聘。○夏宋公使公孫壽來納

納幣不書此何以書公孫壽卿也納幣使卿非禮也禮不可略亦不可過惟其稱而已矣略則輕太倫過則溺私愛宋公之請伯姬魯侯之嫁其女皆致其厚者也而不知越禮逾制豈所以重大婚之禮哉經悉書之為後法也

晉殺其大夫趙盾趙括

按左氏趙莊姬為趙嬰之亡事見左傳五年譜于晉侯曰原屏將為亂欒卻為徵晉討趙盾趙括以其田與祁奚韓厥言於君曰成季之勲宣孟之忠而無後為善者懼矣乃立武而反其田然則向括無罪為莊姬所讎而欒卻害之也故稱國以殺而不去其官以見晉之失政刑矣

秋七月天子使召伯來賜公命

諸侯嗣立而入見則有賜已脩聘禮而來朝則有賜能敵王所愾而獻功則有賜成公即位喪服已



畢而不入見既更五服一朝之歲矣而不加京師  
又未嘗敵王所愾而有功也何為求賜命乎召伯  
者縣內諸侯為王卿士者也來賜公命罪邦君之  
不王譏天子之僭賞也臨諸侯曰天王君天下曰  
天子蓋一人之通稱也

冬十月癸卯祀叔姬卒。晉侯使士燮來

聘叔孫僑如會晉士燮齊人邾人伐邾

按左氏士燮來聘言伐邾也以其事吳故公請緩  
師不可吳初伐邾季孫固曰中國不振旅蠻夷  
伐而莫之或恤亡無日矣當其時既不能救及其既

成豈獲已也而又率諸國伐之何義乎前書來聘  
下書會伐晉侯之為盟主可見矣魯既知其不可  
從大國之令而不敢違其不能立亦可知矣

### 衛人來媵

媵者何諸侯有歸嫡夫人行則姪娣從二國來  
媵亦以姪娣從凡一娶九女所以廣繼嗣三國來  
媵非禮也夫以禮制欲則治以欲敗禮則亂而諸  
侯一娶十有二女則是以欲敗禮矣倫書三國以  
明逾制為後戒也

已簡王九年晉景十八齊頃十七卒衛定



陳成十七杞桓五十五宋共七  
秦桓二十三楚共九吳壽夢四

### 春王正月杞伯來逆叔姬之喪以歸

凡筆於經者皆經邦大訓也杞叔姬一女子爾而四書于策何也有男女然後有夫婦有夫婦然後有父子故春秋慎男女之配重天昏之禮以是為人倫之本也事有大於此者乎男而賢也得淑女以為配則自家刑國可以移風俗女而賢也得君子以為歸則承宗廟奉祭祀能化天下以婦道豈曰小補之哉夷故杞叔姬之行雖賢不若宋共姬亦不至如鄭季姬之越禮也杞伯初來朝魯然後

出之卒而復逆其喪以歸者豈非叔姬本不應出故魯人得以義責之使復歸歟乎魯在春秋時內女之歸不得其所者有矣聖人詳錄其始卒欲為後鑒使得有終而無弊也其經世之慮遠矣

### 公會晉侯齊侯宋公衛侯鄭伯莒子杞伯

### 同盟于蒲

按左氏為歸汶陽之田故諸侯貳於晉晉人懼會于蒲以尋馬陵之盟夫盟非固結之本也衛獻公言於甯喜求復國喜曰必子鮮在不然必敗小邾射以句繹來奔曰使季路要我吾無盟夫信在言



前者不信而自喻誠在令外者不令而自行晉初  
下令於齊及魯衛之侵地而齊不敢違者以其順  
也齊既從之魯君親往拜其賜矣復有命俾歸  
諸齊一與一奪信不可知無惑乎諸侯之解體也  
晉人不知友求諸已悖信明義以補前行之愆而  
又欲刑牲歃血要質鬼神以御之是從事於末而  
不知本矣特書同盟以罪晉也

公至自會○二月伯姬歸于宋夏季孫行

父如宋致女晉人來媵

致女者何女既嫁三月而廟見成婦矣而後父母

使人安之故謂之致也常事爾何以書致女使卿  
非禮也經有因褒以見貶者初獻六羽之類是也  
亦有因貶以見褒者致女來媵之類是也伯姬賢  
行著於家故致女使卿特厚其嫁遣之禮賢名聞  
於遠故諸國爭媵信其無妬忌之行程氏以為一  
女子之賢尚聞於諸侯况君子哉或曰魯女雖賢  
豈能聞於遠乎曰古者庶女與非敵者則求為媵  
固為之擇賢小君則諸侯之賢女自當聞矣

秋七月丙子齊侯無野卒○晉人執鄭伯

晉欒書帥師伐鄭



按左氏楚人以重賂求鄭鄭伯會公子成于鄧秋  
鄭伯如晉晉人討其貳於楚執諸銅鞮樂書伐鄭  
鄭使伯蠲行成晉人殺之楚子重侵陳以救鄭稱  
久而執者既不以王命又不歸諸京師則非伯討  
也殺伯蠲不書者既執其君矣則行人為輕亦不  
足紀也楚子重侵陳與處父救江何異削而不書  
者鄭亦有罪焉耳夫背夷即華正也今以重賂故  
又與楚會則是惟利之從而不要諸義也故鄭無  
可救之善楚不  
得有能救之名

冬十有一月葬楚頃公楚公子嬰齊帥

### 師伐莒康申莒潰楚人入鄆

按左氏楚子重自陳伐莒圍渠丘城惡衆潰楚師  
圍莒莒城亦惡康申莒潰楚遂入鄆子西子曰鑿斯  
池也築斯城也與民守之效死而民弗去是則可  
為也夫鑿池築城者為國之備所謂事也效死而  
民不去為國之本所謂政也言恃其陋不脩城郭  
決辰之間楚克其二都信無備矣然兵至而民逃  
其上不能使民效死而不去則昧於為國之本也  
雖隆莒之城何益乎故經於莒潰特書日以謹之  
者以明城郭溝池重門擊柝皆守邦之末務必以  
固本安民為政之急耳



# 秦人白狄伐晉

經所謹者華夷之辨也。晉嘗與白狄伐秦，秦亦與白狄伐晉，族類不復分矣。其稱人，貶詞也。武王伐商，誓師牧野，庸蜀羌髳微盧彭濮，皆與焉。豈亦不謹乎？除天下之殘賊而出民於水火之中，雖蠻夷戎狄以義驅之，可也。亦慮其同惡相濟，貽患於後也。中國友邦自相侵伐，已為不義，又與非我族類者共焉，不亦甚乎？晉既失信，復聽婦人說，殺其世臣，而諸侯皆貳秦狄，交伐比事，以觀可謂深切著明矣。

# 鄭人圍許城中城

經世安民，視道之得失，不倚城郭溝池以為固也。穀梁子謂九城之誌皆譏其說是矣。莒雖恃陋不設備，至使楚人入鄭，苟有令政使民效死而不潰，寇亦豈能入也？城非春秋所貴，而畫城中城其為倣守益微矣。王公設險以守其國，非歟？曰百雉之城，七里之郭，設險之大端也。謹於禮以為國，難尊卑分貴賤，明等威，異物采，凡所以杜絕陵僭，限隔上下者，乃體險之大用也。獨城郭溝池之足恃乎？

庚簡王十年  
晉景十九卒  
齊靈公環元年  
衛定八  
蔡景十一  
鄭成四  
曹



宣十四(陳)成十八(杞)桓五十六(宋)共  
八(秦)桓二十四(楚)共十(吳)壽夢五

### 春衛侯之弟黑背帥師侵鄭

按左氏衛子叔黑背侵鄭晉命也其曰衛侯之弟者子叔黑背生於孫剽四奴孫林父甯殖市力出衛侯行若且而立剽亦以父有寵愛之私故得立耳此與齊之夷仲年無異其特書弟以為後戒可謂深切著明矣

### 夏四月五卜郊不從乃不郊五月公會晉

侯齊侯宋公衛侯曹伯伐鄭齊人來媵丙午晉侯孺卒秋七月公如晉

此葬晉侯也而不書諱之也天子之喪動天下屬諸侯諸侯之喪動通國屬大夫公之葬晉侯非禮也唯天子之事為可也傳以晉人止公送葬諸侯莫在焉魯人辱之故諱而不書非矣假令諸侯皆在魯人不可以為辱而可書乎

### 冬十月



春秋集傳卷之二十三終

春秋集傳卷之二十四

成公三

辛簡王

六年十有一年

晉厲公州蒲元年齊靈

成五曹宣十五陳成十九杞桓五十七宋共九秦桓二十五楚共十一吳秦夢六

春王三月公至自晉晉侯使郤欒來聘

己丑及郤欒盟夏季孫行父如晉秋叔



孫僑如如齊冬十月

壬簡王十有二年晉厲二齊靈三衛定十

午七年十六陳成二十杞桓五十八宋共十

秦桓二十六楚共十二吳壽夢七

春周公出奔晉

按左氏周公楚惡惠襄之偏且與伯與爭政不勝怒而出王使劉子復之盟于郵而入三日復出奔晉夫人主無誠慈之心而下要大臣盟是謂君不君人臣無忠信之實而上與不主盟是謂臣不臣

既已要質鬼神以久矣又叛盟失信而出奔則是自絕於天也自周無出而書曰出者見周室衰微刑政號令不行於天下爾

夏公會晉侯衛侯于瑣澤秋晉人敗狄

于交剛冬十月

癸簡王十有二年晉厲三齊靈四衛定七

未八年宣十七卒陳成二十一杞桓五十九宋共

十一秦桓二十七楚共十三吳壽夢八



### 春晉侯使卻錡來乞師

晉王夏盟行使諸侯徵會討貳誰敢不從以霸王之尊而書曰乞師何也列國疏分雖有大小土地甲兵受之天子不相統屬魯兵非晉所得專也今晉不以王命與諸侯之師故特書乞以見其卑伏屈損無自反而縮之意矣聖人作春秋無不重內而輕外至於乞師則內外同辭者蓋皆有報怨復讎貪得之心是以如此若夫誅亂臣討賊子請於天王以太義驅之誰不拱手以聽命何至於乞哉噫此聖人所以垂戒後世見諸行事之深切著明者也

三月公如京師夏五月公自京師遂會晉侯齊侯宋公衛侯鄭伯曹伯邾人滕人伐

### 秦

諸侯每歲侵伐四出未有能修朝覲之禮者公欲會伐秦道自王都不可越天子而往也故晉朝主而不能成朝禮書曰如京師見諸侯之慢也因會伐而行矣又書公自京師以伐秦為遂事者此仲尼親筆明朝王為重存人臣之禮也古者諸侯即位服喪畢則朝小聘大聘終則朝巡狩于方嶽



則朝觀春秋所載天主遣使者屢矣十二公之述職蓋闕如也獨此年書公如京師又不能成朝禮不敬莫大焉君臣人道之大倫而至於此極故仲尼嘗喟然嘆曰夷狄之有君不如諸夏之亡也為此懼作春秋或抑或縱或予或奪所以明君臣之義者至矣其義得行則臣必敬於君子必敬於父天理必存人欲必消大倫必正豈曰小補之哉此以伐秦為遂事之意也

曹伯廬卒于師秋七月公至自伐秦冬葬曹宣公

甲簡王十有四年晉厲四齊靈五衛定十二

申九年公負芻元年陳成二十二杞桓六十宋共十二秦桓二十八卒楚共十四吳壽夢九

春王正月莒子朱卒夏衛孫林父自晉歸于衛秋叔孫僑如如齊逆女鄭公子喜帥師伐許九月僑如以夫人婦姜氏至自齊

春秋集註 卷二十二 三十一



穀梁曰大夫不以夫人以夫人非正也刺不親迎也僭始之不氏一事而再見者卒名取然則娶于他邦而道里或遠必親迎乎以封壤則有小大以爵次則有尊卑以道途則有遠邇或迎之於其國或迎之於境上或迎之於所館中禮之節可也

冬十月庚寅衛侯臧卒秦伯卒

**乙**簡王 **十有五** **晉**厲五 **齊**靈六 **衛**獻公 **秦**穆公 **鄭**成

**曹**成二 **陳**成二十三 **杞**桓六十一 **宋**共 **楚**共十五 **吳**壽夢十 **景**公元年

春王二月葬衛定公○三月乙巳仲嬰齊

卒

嬰齊者公子遂之子公孫歸父之弟也歸父出奔齊魯以徐傷其無後也於是使嬰齊後之故書曰仲嬰齊此可謂亂昭穆之序失父子之親者以後歸父則弟不可為兄嗣以後襄仲則以父字為氏亦非矣

癸丑公會晉侯鄭伯曹伯宋世子成齊國



佐邾人同盟于戚晉侯執曹伯歸于京師

稱侯以執伯討也何以為伯討晉合諸侯伐秦曹宣公卒于師曹人使公子負芻守使公子欣時逆曹伯之喪負芻殺其太子而自立至是晉侯執之又不敢自治而歸于京師使即天刑夫是之謂伯討春秋執諸侯者衆矣未有執得其罪如此者故獨書其爵

公至自會夏六月宋公固卒楚子伐鄭

秋八月庚辰葬宋共公宋華元出奔晉

宋華元自晉歸于宋宋殺其大夫山宋魚石出奔楚

宋六卿魚氏蕩氏向氏鱗氏皆桓族也華氏戴族也華元為右師魚石為左師蕩氏汰而驕共公卒已葬蕩澤弱公室殺公子肥華元曰我君臣之訓而不能正罪大矣不能治官敢賴寵乎乃出奔晉魚石將止之魚府曰元反必討是無桓氏也石曰彼多大勲國人所與不反懼桓氏之無祀於宋也遂自止元於河上元歸使國人攻桓氏殺蕩山出魚石國然後定元之出奔晉與歸于宋皆不省



文者著其正也書之重詞之複必有美惡焉詞繁而不殺所以與之也以不賴寵而出奔以國人與晉皆許之討而後入正可知矣蘇轍謂使元懷祿顧寵重於出奔則不能討此說是也山不書民皆其族也昔其族者伐其本也人而無本人道絕矣葛藟猶能庇其本根況於人而忍伐其本乎

冬十有一月叔孫僑如會晉士燮齊高無

咎宋華元衛孫林父鄭公子鱄邾人會吳

于鍾離

吳以號舉夷之也會而殊會外之也殊會有二義會王世子于首止意在尊王室不敢與世子抗也會吳于鍾離于相于向意在賤夷狄而罪諸侯不能與之敵也夫以太伯至德是始有吳以族言之則周之伯父也至其後世遂以號舉者以其僭竊稱王不能居中國之爵號耳成襄之間中國無霸齊晉大國亦皆俛首東向而親吳聖人蓋傷之故特殊會可謂深切著明矣

許遷于葉

丙簡王十一年十有六年  
晉厲大齊靈七衛獻  
二蔡景十七鄭成十



春秋集言 卷二十三 三十四  
曹成三 陳成二十四 杞桓六十二 宋平公  
成元年 秦景二 楚共十六 吳壽夢十一

春王正月雨木冰

雨木冰者雨而木冰也何休曰木者少陽幼君大  
臣之象冰者凝陰兵之類也冰象木者君臣將執  
於兵之徵未幾而有沙隨莒丘之事夫人之際休  
咎之應焉可証也而欲盡廢五行傳亦過矣

夏四月辛未滕子卒。鄭公子喜帥師侵

宋六月丙寅朔日有食之。晉侯使欒黶

來乞師甲午晦晉侯及楚子鄭伯戰于鄢

陵楚子鄭師敗績

不書師敗績以其君親集矢於目而身傷為重也  
當是時兩軍相抗未有勝負之形晉之捷也亦幸  
焉爾幸非持勝之道范文子所以立於軍門有聖  
人能內外無患蓋釋楚以為外懼之戒乎楚師雖  
敗其勢益張晉遂怠矧卒有欒氏之譖而誅三卻  
國內大亂聖人備書以見行事之深功著明也

楚殺其大夫公子側秋公會晉侯齊侯燕侯衛



侯宋華元邾人于沙隨不見公

臣子之於君父揚其美不揚其惡為尊者諱為親者諱禮也聖人假魯史以示王法其於魯事有君臣之義故君弒則書薨易地則書假滅國則書取出奔則書遜屈已而與強國之大夫盟則書及叛盟失信而莫適守則沒公而書會凡此類雖不沒其實示天下之公必隱避其辭以存臣子之禮然則沙隨之會魯不見公是魯侯之太辱深可耻焉者夫君為直書其事而不諱乎曰春秋伸道不伸邪榮義不榮勢正已而無恤乎人以仁禮存心而不憂橫去聲逆之至者也沙隨之會魯有內難乃且

師出後期所當恤者晉人聽叔孫僑如之譖怒公而不見由在晉矣魯侯自反非有背音仁棄禮不忠之咎也昔魯子嘗聞太勇於夫子曰自反而縮雖千萬人吾往矣孟子言浩然之氣至大至剛以直養而無害則塞於天地之間沙隨之不見於公何歎乎直書而不諱者示天下後世使知太勇浩然之氣所以守身應於證物如此其垂訓之義大矣

鄭曹伯歸自京師

公至自會公會尹子晉侯齊國佐邾人伐



曹伯不名其位未嘗絕也不絕其位所以累乎天  
王也其言自京師王命也言天主之釋有罪也善  
不蒙賞惡不即刑以死為君舜為臣雖得天下不  
能一朝居也負芻殺世子而自立不能因晉之執  
實諸典刑而使復國則無以為天下之共主矣

九月晉人執季孫行父舍之于君位冬十  
月乙亥叔孫僑如出奔齊十有二月乙丑  
季孫行父及晉卻犍盟于扈公至自會

### 乙酉刺公子偃

按左氏宣伯通於穆姜欲去季孟而取其室戰于  
鄆陵之日公將行穆姜送公而使逐二子公以晉  
難告曰請反而聽命姜怒公子偃公子鉏趨過指  
之曰女不可是皆君也公待於壞隤申宮傲備設  
守而後行是以後使孟獻子守于公宮宣伯使告  
卻犍曰魯侯待于壞隤以待勝者卻犍取貨于宣  
伯而訴公于晉侯晉侯不見公公會諸侯伐鄭將  
行姜又命公如初公又申守而行宣伯使告卻犍  
曰魯之有季孟猶晉之有欒范也政令于是乎成  
今其謀曰晉政多門不可從也寧事齊楚有亡而



已蔑從晉矣若欲得志於魯請止行父而殺之我  
 斃也斃也不然歸必叛晉人執季文子于茗丘公還  
 饋待于鄆使子叔聲伯請季孫于晉卻鞮曰苟去  
 仲孫蔑而止季孫行父吾與子國親於公室對曰  
 僑如之情子必聞之矣若去蔑與行父是大棄魯  
 國而罪寡君也若猶不棄使寡君得事晉若則夫  
 二人者魯國社稷之臣也若朝亡之魯必亡亡范  
 文子謂欒武子曰季孫於魯相二君矣妾不衣帛  
 馬不食粟可不謂忠乎信說庶而棄忠良若諸侯  
 何乃許魯平赦季孫出叔孫僑如而盟之季孫及  
 卻鞮盟于扈  
 季刺公于偃

丁 簡王十 十有七年 晉厲七 齊靈八 衛獻  
 亥 二年 三 蔡景十八 鄭成十

一 曹成四 陳成二十五 杞桓六十三 宋  
 平二 秦景三 楚共十七 吳壽夢十二

春衛北宮括帥師侵鄭夏公會尹子單子  
 晉侯齊侯宋公衛侯曹伯邾人伐鄭六月  
 乙酉同盟于柯陵秋公至自會 ○齊高  
 無咎出奔莒 ○九月辛丑用郊

春秋集註 卷二十一 三十八



郊之不時未有甚於此者也故特曰用郊用者不  
宜用也或曰蓋以人饗叩其鼻血以薦也古者六  
畜不相為用  
况敢用人乎

晉侯使荀瑩來乞師冬公會單子晉侯  
宋公衛侯曹伯齊人邾人伐鄭十有二月  
公至自伐鄭○壬申公孫嬰齊卒于貍  
脹十有二月丁巳朔日有食之○邾子

矍且卒○晉殺其大夫卻錡卻犨卻至

○楚人滅舒庸

戊簡五十  
子三年十有八年晉厲八弒齊靈九衛  
獻四蔡景十九鄭威

十二曹成五陳成一十六杞桓六十四  
宋平三秦景四楚共十八吳壽夢十三

春王正月晉殺其大夫胥童○庚申晉

弒其君州蒲



弑君天下之大罪討賊天下之大刑春秋合於人心而定罪聖人順於天理而用刑固不以大齊釋當誅之賊亦不以大刑加不弑之人然趙盾以不越境而書弑許世子止以不嘗藥而書弑鄭歸生以憚老懼讒而書弑楚公子比以不能效死不立而書弑齊陳乞以廢長立幼而書弑晉欒書身為元帥親執厲公於匡懼氏使程滑弑公而以車下乘葬之於翼東門之外而春秋稱國以弑其君而不著欒書之名氏何哉仲尼無私與天為一奚獨於趙盾許止歸生楚比陳乞則責之甚備討之甚嚴而於欒武子闕畧如此乎學者深求其出知聖人之誅亂臣討賊子之大要也而後可與言春秋

矣

齊殺其大夫國佐公如晉○夏楚子鄭

伯伐宋宋魚石復入于彭城

此伐宋以納魚石其不自納宋魚石于彭城何也劉敞曰不與納也諸侯失國諸侯納之正也諸侯世也大夫失位諸侯納之非正也大夫不世也諸侯託於諸侯禮也大夫託於諸侯非禮也其言復入者已絕而復入惡之甚者宋魚石晉欒書是矣

公至自晉晉侯使士有來聘○秋杞伯來



朝八月邾子來朝○築鹿囿○已丑公  
薨于路寢○冬楚人鄭人侵宋晉侯使  
士魴來乞師十有一月仲孫蔑會晉侯  
宋公衛侯邾子齊崔杼同盟于虛谷○  
丁未葬我君成公○  
春秋集傳卷之二十四終

春秋集傳卷之二十五

襄公一

公名午。成公妾定姒之子。四歲即位。在位三十一年。謚法。因事有功曰襄。辟土有德曰襄。

巳 簡王十  
四年崩 元年 晉悼公周元年 齊靈十年  
成十三年 曹成六年 陳成二十七年 杞桓  
六十五年 宋平四年 秦景五年 楚共十九



年(吳)壽夢  
十四年

春王正月公即位。○仲孫蔑會晉欒黶  
宋華元衛甯殖曹人莒人邾人滕人薛人

圍宋彭城

按左氏曰非宋地追書也然則書圍彭城者魯史  
舊文也曰圍宋彭城者仲尼親筆也楚已取彭城  
封魚石戍之三百乘矣則曷為繫之宋楚不得取  
之宋魚石不得受之楚雖重其地君子不登叛人

所以正疆域固封守謹王度也

夏晉韓厥帥師伐鄭仲孫蔑會齊崔杼曹  
人邾人杞人次于郟

楚人釋君而臣是助事已悖矣晉於是乎降彭城  
以魚石等歸遂伐鄭而諸侯次于郟此皆放於義  
而行者也傳書楚子辛救鄭而經不書者鄭本為  
楚以其君之故親集矢於目是以與楚而不貳也  
棄中國從蠻夷不能以大義裁之惟私欲之從則  
鄭無可救之善楚不得有能救之名經所以削之  
不言救也



春秋楚公子壬夫帥師侵宋○九月辛酉  
天王崩邾子來朝冬衛侯使公孫剽來聘  
晉侯使荀息來聘

簡王崩赴告已及藏在諸侯之策矣則宜以所聞  
先後而奔喪今邾子方來脩朝禮衛侯晉侯方來  
脩聘事於王喪若越人視秦人之肥瘠魯不與焉  
而左氏以為禮此何禮乎滕定公薨世子定為二年  
喪交兄百官皆不欲曰吾宗國魯先君莫之行也  
喪紀益廢民習於耳自而不察故後世以日月月

人子安而行之不知春秋之義無君臣之禮豈不  
惜哉

庚靈王二年 晉悼二 齊靈十一 衛獻六 蔡  
景二十一 鄭成十四 卒曹戊

七陳成二十八 杞桓六十六 宋平  
五 秦景六 楚共二十 吳壽夢十五

春王正月葬簡王○鄭師伐宋夏五月  
庚寅夫人姜氏薨○六月庚辰鄭伯駘  
卒○晉師宋師衛甯殖侵鄭○秋七月



仲孫蔑會晉荀偃宋華元衛孫林父曹人邾人于戚。○已丑葬我小君齊姜。○叔孫豹如宋。○冬仲孫蔑會晉荀偃齊崔杼宋華元衛孫林父曹人邾人滕人薛人小邾人于戚遂城虎牢。

虎牢鄭地故稱制邑至漢為成臯又為汜水縣巖險聞於天下猶虞之下陽趙之上黨魏之安邑燕

之榆關吳之西陵蜀之漢樂地有所必據城有所必守而不可以棄焉者也有是險而不能守故不繫於鄭然則據地設險亦所貴乎天險不可升也地險山川丘陵也王公設險以守其國大易之訓也城郭溝池以為固亦君子之所謹也鑿斯池築斯城與民同守孟子之所以語滕君也夫狡焉思啓封疆而爭地以戰殺人盈野爭城以戰殺人盈城者固非春秋之所貴守天子之士繼先君之世不能設險守國將至於遷者滅亡亦非聖人之所與故城虎牢而不繫於鄭程氏以為責鄭之不能有也其聖人以待衰世之意小康之事邪



楚殺其大夫公子申

辛靈王二年 晉悼三 齊靈十二 衛獻七 蔡

曹成八 陳成二十九 杞桓六十七 宋平

六 秦景七 楚共二十一 吳壽夢十六

春楚公子嬰奔帥師伐吳。○公如晉夏

四月壬戌公及晉侯盟于長樗。公至自

晉六月公會單子晉侯宋公衛侯鄭伯

莒子邾子齊世子光已未同盟于雞澤

同盟或以為有二例一則王臣預盟而書同二則諸侯同欲而書同三則惡其反覆而書同夫惡其反覆與諸侯同欲而書同信矣王臣預盟而書同義則未安盟于女栗及蘇子也而不書同盟于洮于翟泉會王人也而不書同然則此三盟者正所謂諸侯同欲而書同盟也其同欲奈何同病楚也會于柯陵之歲夏伐鄭楚人師于首止而諸侯還冬伐鄭楚人師于汝上而諸侯還雞澤之盟陳袁僑如會楚師在繁陽而韓獻子懼平立之行楚棄疾立復封陳蔡而中國恐是知此三盟者諸侯皆



有戒心而修盟故稱同不以尹子單子劉子亦預此盟而譏之也夫王臣將命必博信明義而後可以表正乎天下諸侯守邦必尊主奉法而後可以保其社稷今王臣下與諸侯約誓諸侯亦敢上與王臣要言斯大亂之道也則亦不待書同盟而罪自見矣

陳侯使袁僑如會戊寅叔孫豹及諸侯之大夫及陳袁僑盟秋公至有會○冬晉荀盈帥師伐許

壬靈王四年晉悼四齊靈十三衛獻八蔡

成三十卒杞桓六十八宋平七秦景八楚共二十二吳壽夢十七

春王二月己酉陳侯午卒

午者襄公名也孔子作春秋在哀公之世襄宮哀公之皇考也曷不諱乎古者死而無諡不以名為諱周人以謚易名於是乎有諱禮故子孟子曰諱名不諱姓姓所同也名所獨也然禮律所載則有不諱者夫子兼帝王之道參文質之中而作春秋以法萬世如公薨不地城國書取出奔稱孫之類所



春秋集言 卷二十二  
以放其文也。并公各同而書，同盟僖公名申而書，戊申定公名宋而書，宋人之類所以從其質也。後世不明此義，則有以諱易入之名者，又有以諱易人之姓者。詩書則諱臨文，則諱嫌名，則諱二名，則偏諱。愚者違禮以為孝，諂者獻佞以為忠，忌諱繁多，實亂而春秋之法不行矣。

夏叔孫豹如晉。○秋七月戊子，夫人如氏。

薨。○葬陳成公。○八月辛亥，葬我小君。

定姒。○冬，公如晉。○陳人圍頓。

癸靈王五年。晉悼五，齊靈十四，衛獻九，蔡  
四年。景二十四，鄭僖三，曹成十，陳

哀公溺元年。杞桓六十九，宋平八  
秦景九，楚共二十三，吳壽夢十。

春公至自晉。夏鄭伯使公子發來聘。○

叔孫豹卽世子巫如晉。○仲孫蔑衛孫林

父會吳于善道。秋大雩。○楚殺其大夫

公子壬夫。○公會晉侯宋公陳侯衛侯鄭



伯曹伯莒子邾子滕子薛伯齊世子光吳人鄆人于戚

吳何以稱人按左氏吳子使壽越如晉請聽諸侯之好晉人將為之合諸侯使魯衛大夫會吳于善道且告會期然則戚之事乃吳人來會不為主也來會諸侯而不為主則進而稱人諸侯往與之會而主吳則貶而稱國聖人之情見矣春秋之義明矣

公至自會○冬戊陳楚公子貞帥師伐

陳公會晉侯宋公衛侯鄭伯曹伯齊世子光救陳十有二月公至自救陳○辛未季孫行父卒

甲靈王六年晉悼六齊靈十五衛獻十蔡

午五年景二十五鄭僖四曹成十一

陳哀二杞桓七十卒宋平九秦景十楚共二十四吳壽夢十九

春王三月壬午杞伯姑容卒○夏宋華



弱來奔 ○秋葬杞桓公 ○滕子來朝 ○

莒人滅鄆

穀梁子曰莒人滅鄆非滅也立異姓以益祭祀滅亡之道也公羊亦云莒安有為鄆夫人者蓋欲立其出也或曰鄆取莒公子為後罪在鄆之不在莒人春秋應以梁亡之例而書鄆亡不當但責莒人也今直罪莒舍鄆何哉曰莒人之以其子為鄆後與黃歇進李園之妹於楚王呂不韋獻邯鄲之姬於秦公子其事雖殊其欲滅人之祀而有其國則一也春秋所以釋鄆而罪莒歟以此防民猶有以韓

謚為世嗣者亂紀度如郭氏者

冬叔孫豹如邾 ○季孫宿如晉 ○十有二月齊侯滅萊

乙未 靈王 七年

晉悼七齊靈十六衛獻十一蔡景二十六鄭僖五卒曹成

十二陳哀三杞孝公勾元年宋平十秦景十一楚共二十五吳壽夢二十

春鄆子來朝 ○夏四月三下郊不從乃免



春秋集言 卷二十二  
牲小邾子來朝 ○城費

費季氏邑也按左氏南遺為費宰叔仲昭伯為隧正欲善季氏而求媚於南遺謂遺請城費吾多與而役故季氏城費夫文子相二君無衣帛之妾無食粟之馬無藏金玉無重器備則固忠於公室而不顧其所食之私邑也及行父卒宿之不忠遂專魯國之政羣小媚之無故勞民妄興是役季氏益張其後孔子行乎季孫三月不遠至於帥師隨費其越禮不度可知矣然則書城費乃履霜堅冰之戒強私家弱公室之萌據事直書而義自見矣用入不惟其賢惟其世豈不殆哉

秋季孫宿如衛 ○八月螽冬十月衛侯使孫林父來聘壬戌及孫林父盟 ○楚公子貞帥師圍陳十有一月公會晉侯宋公陳侯衛侯曹伯莒子邾子于鄆鄭伯髡頑如會未見諸侯丙戌卒于鄆

按鄭僖公二傳林悉皆以為弑而春秋書卒者左氏則曰以瘞魚略疾赴也公羊則曰為于偽中國



諱也穀梁則曰不使夷狄之民加乎中國之君也夫弑而可以僞赴又順其欲而不彰則亂臣賊子免於見討而春秋非傳信之書矣然則弑而書卒二傳以為為中國諱不使夷狄之民加中國之君疑得聖人之意顧習其說者未之察爾夫弑君之賊其惡不待貶絕而自見矣見弑者豈無不善之積以及其身者乎衛桓則以嫡母無寵宋殤則以亟戰疲民齊襄則以行同鳥獸鄭夷則以侮慢大臣蔡固則以淫而不父陳平國則以殺諫臣而通于夏氏楚虔則以多行無禮奚齊則以嬖孽而國人不之君吳餘祭則以輕近刑人而晉州蒲欲盡去群大夫而立其左右也若夫鄭僖公則異於是

矣中國者禮義之所出也夷狄者禽獸之與鄰也僖公欲從諸侯會于鄆則是貴禮義為中國之君也諸大夫欲背諸夏與荆楚則是近禽獸為夷狄之民也以中國之君而見弑於夷狄之民豈有不善之積以及其身者乎聖人至是傷之甚懼之甚故變文而書曰鄭伯髡頑如會未見諸侯丙戌卒于鄆未見諸侯其曰如會何致其志也諸侯卒于境內不地鄆鄭邑也其曰卒于鄆見其弑而隱之也卒鄭伯逃歸陳侯聖人之旨微而公穀之義精矣存天理抑人欲之意遠矣

### 陳侯逃歸



穀梁子曰逃義曰逃逃者匹夫之事上二十年諸侯  
成陳會楚令尹來伐諸侯又救之亦既勤矣為陳  
侯計者下令國中大夫徹備立太子以固守親聽  
命於諸侯謀禦敵之策當是時晉君方明八卿和  
睦諸侯聽命必能致力於陳矣不此之顧棄儀衛  
而逃歸此匹夫之事耳夫義路也禮門也輕棄中  
國惟蠻夷之懼是不能由是路出入是謂故書逃  
歸以罪之可謂深切著明矣

丙申 靈王七年 八年 晉悼八 齊靈十七 衛獻十二

曹成十三 陳哀四 杞孝二 宋平十二 秦景十二 楚共二十六 吳壽慶二十二

春王正月公如晉 夏葬鄭僖公鄭人

侵蔡獲蔡公子燹 季孫宿會晉侯鄭

伯齊人宋人衛人邾人于邢丘

蘇轍曰晉悼公脩文襄之業改命朝聘之數使諸  
侯之大夫聽命於會大夫稱人衆辭也朝聘之節  
儉而有禮衆之所安也臣則以為大夫稱人貶之  
也昔周公戒成王以繼自今我其立政立事夫不  
自為政而委於臣下是以國之利器示人而不知  
寶也朝聘事之大者重煩諸侯而使大夫聽命無

春秋集注 卷二十一 五十二



乃以姑息愛人而不由德乎使政在大夫而諸侯失國又豈所以愛之也後此八年溴梁之會悼公初沒諸侯皆在而大夫獨盟君若贅旒夫豈一朝一夕之故哉故邢立之事魯公在晉而季孫宿會見魯之失政也諸侯之大夫貶而稱人謹其始也

公至自晉○晉人伐我東鄙○秋九月

大雩○冬楚公子貞帥師伐鄭

齊宣王問於孟子交鄰國有道乎孟子曰有唯智者為能以小事大故大王事慎鬻勿踐事吳以小事大畏天者也畏天者保其國鄭介大國之間國

強楚之令而欲息肩於晉若能信任仁賢明其刑政經畫財賦以禮法自守而親比四鄰必能保其封境荆楚雖大何畏焉而子耳子國加兵於蔡獲公子燮無故怒楚所謂不脩文德而有武功者也楚人來討不從則力不能敵從之則晉師必至故國人皆喜而子產獨不順焉以晉楚之爭鄭自茲弗得寧矣是以獲公子燮特書侵蔡以罪之而公子貞來伐鄭及楚平不復書矣平而不書以見鄭之屈服於楚而不信也犧牲玉帛待於境上以待強者而請盟其能國乎

晉侯使士匄來聘



丁靈王八年九年

晉悼九齊靈十八衛獻十三蔡景二十八鄭簡二曹成十

四陳哀五杞孝三宋平十二秦景十二楚共二十七吳壽夢二十二

春宋災○夏季孫宿如晉○五月辛酉

夫人姜氏薨秋八月癸未葬我小君穆

姜○冬公會晉侯宋公衛侯曹伯莒子邾

子滕子薛伯杞伯小邾子齊世子光伐鄭

### 十有二月己亥同盟于戲

鄭之見伐於楚子駟欲從楚子展曰小國無信其亂日至亡無日矣請完守以老楚仗信以待晉其策未為失也而子駟遂及楚盟於是晉師至矣諸侯伐鄭晉人令於列國脩器械盛饌糧歸老幼居疾于虎牢肆菁園鄭人恐乃行成荀偃曰遂園之以待楚人之救而與之戰不然無成知罃曰許之盟而還師以備楚吾三分四軍與諸侯之銳以逆來者於我未病楚不能矣猶愈於戰暴骨以逞不可以爭大勞未艾魚廢君子勞心小人勞力先王之制也乃許鄭成同盟于戲夫善為國者不師



善師者不陣善陣者不戰知武子明於善陣之法以佐晉悼公屢與諸侯伐鄭楚輒救之而不與之戰楚師遂屈得善勝之道矣故下書蕭魚之會以美之

### 楚子伐鄭

## 春秋集傳卷之二十五終

## 春秋集傳卷之二十六

### 襄公二

戊靈王十年晉悼十齊靈十九衛獻十四  
戊九年蔡景二十九鄭簡三曹成十  
五陳哀六杞孝四宋平十三秦景  
十四楚共二十八吳壽夢二十三

春公會晉侯宋公衛侯曹伯莒子邾子滕  
子薛伯杞伯小邾子齊世子光會吳子祖



夏五月甲午遂滅偃陽。公至自會。○楚公子貞鄭公孫輒帥師伐宋。○晉師伐秦。秋莒人伐我東鄙。○公會晉侯宋公衛侯曹伯莒子邾子齊世子光滕子薛伯杞伯小邾子伐鄭。○冬盜殺鄭公子駢公子發公孫輒。

戊鄭虎牢楚公子貞帥師救鄭

按左氏鄭公子駢當國發為司馬輒為司空駢與尉止有爭及為田洫司氏堵氏侯氏子師氏皆喪田故五族聚羣不逞之徒以作亂入西宮殺三卿于朝不稱大夫程氏以為失卿職也卿大夫者國君之陪貳政之本也本強則精神折衝聞有偃息談笑而卻敵國之兵勝千里之難者矣乃至於身不能保而盜得殺之於朝安在其為陪貳乎故削其大夫為當官失職者之鑒也

虎牢之地城不繫鄭者責在鄭也戊而繫鄭者罪諸侯也曷為責鄭設險所以守國有是險而不能



公至自伐鄭

設犧牲玉帛待盟境上使其民人不享土利辛苦  
墊隘無所底告然後請成故城不繫鄭者責其不  
能有也曷為罪諸侯夫鄭人從楚固云不義然中  
國所以城之者非欲斷荆楚之路為鄭蔽也駐師  
阨險以逼之爾至是伐而復成焉猶前志也則可  
謂以義服之乎故成而繫鄭者若曰鄭國分地受  
諸天子非列國所得專所以罪諸侯也聖人既以  
虎牢還繫於鄭又書楚公子貞帥師救鄭諸侯之  
罪益明矣夫以救許楚所以深罪諸侯不能保鄭肆  
其陵逼曹荆楚之不若也亦可謂深切著明也哉

十有一年

巳靈王十年  
晉悼十一 齊靈二十  
獻十五 蔡景三十 鄭簡  
四曹成十六 陳哀七 杞孝五 宋平十四  
秦景十五 楚共二十九 吳壽夢二十四

春王正月作二軍

三軍魯之舊也古者大國三軍次國二軍小國一  
軍魯侯封於曲阜地方數百里天下莫強焉及禧  
公時能復周公之宇而史克作頌其詩曰公車千  
乘說者以為大國之賦也又曰公徒二萬說者以  
為大國之軍也故知三軍魯之舊爾然車而謂之  
公車則臣下無私乘也徒而謂之公徒則臣下無



私民也若有侵伐諸卿更帥以出事畢則將歸於朝車復於甸甲散於丘卒還於邑將皆公家之臣兵皆公家之衆不相繫也文宣以來政在私門襄公幼弱季氏益張廢公室之二軍而三家各有其一季氏盡征焉而舊法亡矣是以謂之作其明年季孫宿救台遂入郕又其後享泥獻于而公臣不能具三耦民不屬公可知矣春秋書其作舍以見昭公失國定公無正而兵權不可去公室有天下國家者之所宜鑒也

夏四月四卜郊不從乃不郊 ○鄭公孫

金之帥師侵宋公會晉侯宋公衛侯曹伯齊世子光莒子邾子滕子薛伯杞伯小邾子伐鄭秋七月己未同盟于亳城北公至自伐鄭楚子鄭伯伐宋

盟于亳城北鄭服而同盟也尋復反又從楚伐宋故書同盟見其既同而又叛也既同而又叛從子展之謀欲致晉師而後與之也故亳之盟其載書曰或問茲命明神殛之俾失其民隊命亡氏陪



其國家雖渝此盟而不顧也噫慢鬼神至於此極而盟猶足恃乎

公會晉侯宋公衛侯曹伯齊世子光莒子

邾子滕子薛伯杞伯小邾子伐鄭會于蕭

魚

程氏曰會于蕭魚鄭文服而請會也不書鄭會謂其不可信也而晉悼公推至誠以待人信鄭不疑禮其囚而歸焉納斥侯禁侵掠遣叔肸告于諸侯而鄭自此不復背晉者二十四年至哉誠之能感

入也自悼公能謀於魏絳以息民聽於知武子而不與楚戰故三駕而楚不能與之爭雖城濮之績不越是矣

公至自會○楚人執鄭行人良霄○冬秦人伐晉

子<sup>庚</sup>靈王十一年十有二年<sup>晉悼十二齊靈二十</sup>

十一<sup>鄭簡五曹成十七陳哀八杞孝六宋</sup>平十五<sup>秦景十六楚共三十吳壽夢二六</sup>五卒



春王三月莒人伐我東鄙圍台季孫宿

帥師救台遂入鄆

鄆莒邑也遂者生事也入者逆詞也大夫無逐事受命而救台不受命而入鄆惡季孫宿之擅權使公不得有為於其國也或曰古者命將得專制間外之事有可以安國家利社稷者專之可也曰此為境外言之也若在邦域之中而專行之非有無君之心者不敢為也昭公逐定無正夫豈一朝一夕之故哉其所由來者漸矣

夏晉侯使士魴來聘 ○秋九月吳公子乘

卒 ○冬楚公子貞帥師侵宋公如晉

辛 靈王十一年 十有三年 晉悼十三 齊靈二十二 衛獻十七 蔡景三十二

鄭簡六 曹成十八 陳哀九 杞孝七 宋平十六 秦景十七 楚共三十一 卒 吳諸樊過元年

春公至自晉 ○夏取郟秋九月庚辰楚

子審卒冬城防



壬 靈王 十有四年 (晉)悼十四 (齊)靈二十

寅 三年 (衛)獻十八 (蔡)景三

十三 (鄭)簡七 (曹)成十九 (陳)哀十 (杞)孝八 (宋)平十七 (秦)景十八 (楚)康王 昭元年 (吳)諸樊二

春王正月季孫宿叔老會晉士荀齊人宋人衛人鄭公孫萬曹人莒人邾人滕人薛人杞人小邾人會吳于向

使舉上客而叔老並書者以內卿行則不得不書矣季孫宿以卿為介而不使之免叔老介於宿而

不敢避蓋兩失之雖晉人輕其幣而敬其使於君命使人之體豈為得哉

二月乙未朔日有食之○夏四月叔孫豹

會魯荀偃齊人宋人衛北宮括鄭公孫萬

曹人莒人邾人滕人薛人杞人小邾人伐

秦○己未衛侯出奔齊

按左氏衛甯殖將死語其子曰吾得罪於君名在諸侯之策曰孫林父甯殖出其君夫所謂諸侯之



策則列國之史也諸侯則若晉若魯是也史則若  
 晉之乘魯之春秋是也今春秋書衛侯出奔齊而  
 不曰孫林父甯殖出其君者蓋仲尼筆削不因舊  
 史之文也欲知經之太義深考舊文筆削之不同  
 其得之矣或曰孫甯出君衆所同疾史策書之是  
 也聖人曷為掩姦藏惡不暴其罪而以歸咎人主  
 何哉曰臣而逐君其罪已明矣人君擅一國之名  
 寵神之主而民之望也愛之如父母仰之如日月  
 敬之如神明畏之如雷霆何可出也所為見逐無  
 乃肆於民上縱其淫虐以棄天地之性乎故衛侯  
 出奔使祝宗告亡且告無罪而定姜曰有罪若何  
 告無春秋端本清源之書故不書所逐之臣而以

自奔為名所以警乎人君者為後世鑒非聖人莫  
 能脩之為此類也

莒人侵我東鄙○秋楚公子貞帥師伐  
 吳冬季孫宿會晉士匄宋華閱衛孫林  
 父鄭公孫蠆莒人邾人于戚

癸靈王十有五年晉悼十五卒齊靈二  
 卯四年十四衛獻十九錫公

剽元年蔡景三十四鄭簡八曹成二十陳  
 哀十一杞孝九宋平十八秦景十九楚康



二吳諸  
樊三

春宋公使向戌來聘二月己亥及向戌盟

于劉○劉夏逆王后于齊

劉夏何以不稱使不與天子之使夏也昏姻人倫之本王后天下之母劉夏士也士而逆后是不重人倫之本而輕天下之母矣然則何使卿往逆公監之禮也官師從單靖公逆王后于齊書劉夏而不書靖公是知卿往逆公監之禮也春秋昏姻得禮者常事不書

夏齊侯伐我北鄙圍成公救成至遇季孫

宿叔孫豹帥師城成郛○秋八月丁巳日

有食之○邾人伐我南鄙○冬十有月

癸亥晉侯周卒

甲靈王十有六年晉平公 虜元年 齊靈

辰五年二蔡景三十五 鄆簡九 曹成二十一 陳哀 十二 杞孝十 宋平十九 秦景二十 楚康三

春秋集注 卷之六 九



吳諸  
樊四

春王正月葬晉悼公○二月公會晉侯宋

公衛侯鄭伯莒子邾子薛伯杞伯小邾子

于溴梁戊寅大夫盟

杜立之會諸侯既次于匡則書曰公孫敖帥師及諸侯之大夫救徐雞澤之會諸侯既盟而陳侯使袁僑如會則書曰叔孫豹及諸侯之大夫及陳袁僑盟今溴梁之會諸侯皆在是若欲使大夫盟者

則直書魯卿及諸侯之大夫盟可也而獨書大夫何也諸侯失政大夫皆不臣也上二年春正月會于向十有四國之大夫也夏四月會伐秦十有三國之大夫也冬會于戚七國之大夫也此三會皆國之大事也而使大夫皆專之而諸侯皆不與焉是列國之君不自為政弗躬弗親禮樂征伐已自大夫出矣况悼公既沒晉平初立無先公之明也君若贅旒而大夫張亦宜矣夫豈一朝一夕之故哉善惡積於至微而不可掩常情忽於未兆而不預謀苟愆怒大夫盟而晉靖公廢趙籍韓虔魏斯為諸侯之勢見矣有國者謹於禮而不敢忽此春秋以待後世之意也



晉人執莒子邾子以歸。○齊侯伐我北鄙。  
○夏公至自會。○五月甲子地震。○叔  
老會鄆伯晉荀偃衛甯殖宋人伐許。○秋  
齊侯伐我北鄙圍成。○大雩。○冬叔孫  
豹如晉。

乙 靈王十 十有七年 晉平二 齊靈二十六  
己 六年 衛獻二十一 虜三 蔡

景三十六 鄭簡十 曹成二十二 陳哀十三  
杞孝十一 宋平二十 秦景二十一 楚康四  
吳諸 樊五

春王二月庚午邾子貜卒。○宋人伐陳。  
○夏衛石買帥師伐曹。○秋齊侯伐我北  
鄙圍桃齊高厚帥師伐我北鄙圍防。○  
九月大雩。○宋華臣出奔陳。○冬邾人



伐我南鄙

丙午 靈王十七年 十有八年 晉平三 齊靈二十七 衛獻二十二 殤四 蔡

景三十七 鄭簡十一 曹成二十三 陳哀十 四 杞孝十二 宋平二十二 秦景二十二 楚

康五 吳 諸樊六

春白狄來

劉敞曰夷狄於中國無事為其於天子世一見則諸侯雖善其交際不得而通也是以春秋亦不

與其朝不與其朝者懲淫慝一內外也周公致太平越裳氏重九譯而獻其白雉公曰君子德不及焉不享其贄此乃天子而讓也况列國之君乎守藩之臣乎

夏晉人執衛行人石買○秋齊師伐我北

鄙冬十月公會晉侯宋公衛侯鄭伯曹伯

莒子邾子滕子薛伯杞伯小邾子同圍齊

凡侵伐圍入未有書同者而獨於此書同圍齊何也齊環皆盟棄好陵虐神主肆其暴橫數伐鄰國



春秋集傳卷之二十六  
觀加兵於魯則可見矣諸侯所共惡疾故同心而  
圍之也同心圍齊其以伐致何也見齊環無道宜  
得惡疾大諸侯之伐而免其圍齊之罪辭也春秋  
於此有沮在呂橫逆抑強暴之意孟子曰國必自  
伐而後人伐之自作孽不可追其齊侯環之謂矣  
尚誰對哉

曹伯負芻卒于師○楚公子午帥師伐鄭

### 春秋集傳卷之二十六

### 春秋集傳卷之二十七

#### 襄公三

丁靈王十有九年晉平四齊靈公二十

未八年卒衛獻二十三殤五

蔡景三十八鄭簡十二魯武公滕元年陳

哀十五杞孝十三宋平二十二晉景二十

三楚康六

吳諸樊七

春王正月諸侯盟于祝柯晉人執邾子



公至自伐齊取邾田自漵水○季孫宿  
如晉○葬曹成公○夏衛孫林父帥師  
伐齊秋七月辛卯齊侯環卒○晉士匄  
帥師侵齊至穀聞齊侯卒乃還

穀齊地也還者終事之詞古之為師不伐喪大夫以君命出境有可以安國家利社稷者則專之可也世衰道微暴行交作利人之難以成其私欲者衆矣士匄乃有惻隱之心聞齊侯卒而還不亦善

乎或曰君不尸小事臣不專大名為士匄者宜擇惟而歸命乎介則非矣使士匄未出晉境如是焉可也已至齊地則進退在士匄矣猶欲墮帷而歸命乎介則非古者命將不從中覆專制境外之意而况喪必不可伐非進退可疑而待請者故至穀聞齊侯卒乃還善之也

八月丙辰仲孫蔑卒○齊殺其大夫高  
厚○鄭殺其大夫公子嘉

按左氏初盜殺鄭三卿於西宮之朝公子嘉知而不言既又欲起楚師以去諸大夫故楚人伐鄭至

春秋左傳卷之六十四



于純門而返至是嘉之為政也專國人患之乃討西宮也難與純門之師子展子西率國人殺嘉而分其室不稱鄭人者嘉則有罪矣而子展子西不能正以王法肆諸市朝與眾同棄乃利其室而分之有私意焉故稱國以殺而不去其官此春秋原情定罪之意

冬葬齊靈公城西郭○叔孫豹會晉士

甸于柯○城武城

戊靈王十

二十年

晉平五齊莊公光元年  
衛獻二十四殤六蔡景

三十九鄭簡十三曹武二東哀十六杞孝  
十四宋平二十三秦景二十四楚康七吳

諸樊

八

春王正月辛亥仲孫速會莒人盟于向○

夏六月庚申公會晉侯齊侯宋公衛侯

鄭伯莒子邾子滕子薛伯杞伯小邾子盟

于澶淵秋公至自會○仲孫速帥師伐



邾○蔡殺其大夫公子燹蔡公子履出奔楚

按左氏初蔡文侯欲事晉曰先君與於踐土之盟晉不可棄且兄弟也畏楚不能行而卒楚人使蔡無常公子燹求從先君以利蔡謀國之合於義者也國人乃不順焉而殺燹此何罪矣故稱國而不去其官公子履其母弟也進不能正國退不能遠害懼禍而奔從於夷狄書者罪之也

陳侯之弟黃出奔楚○叔老如齊○冬

十月丙辰朔日有食之○季孫宿如宋

巴 靈王二十一年 巴 十年 晉 平六 齊 莊二 衛 獻二十五 邲七 蔡

景四十 鄭簡十四 曹武三 陳哀十七 杞孝十五 宋平二十四 秦景二十五 楚康八 吳

諸樊九

春王正月公如晉○邾庶其以漆間丘來奔



庶其邾大夫也春秋小國之大夫不書其姓氏微也其以事接我則書其姓氏謹之也莒慶以大夫即魯而圖昏接我不以禮者也知庶其以地叛其君而來奔接我不以義者也以欲敗禮則身必危以利棄義則國必亂春秋禮義之大宗故小國之大夫接我以利欲則特書其姓氏謹之也漆一邑閭位一邑而不言及者庶其之私邑所受於君而食之者也此叛臣何以不書叛書名書地而竊邑叛君之罪見矣夫棄夷狄從諸夏其慕義之心疑可與也然有據城以求援者君子猶以為不可受而况鄰國乎書來奔而魯受叛臣納其地之罪亦見矣

夏公至自晉○秋晉欒盈出奔楚○九月庚戌朔日有食之○冬十月庚辰朔日有食之○曹伯來朝○公會晉侯齊侯宋公衛侯鄭伯曹伯莒子邾子于商任

庚靈王二十有二年  
晉平七 齊莊三 衛獻二十六 殤八 蔡

景四十一 鄭簡十五 曹武四 陳哀十八 杞孝十六 宋平二十五 秦景二十六 楚康九



吳諸  
樊十

春王正月公至自會夏四月秋七月辛

酉叔老卒冬公會晉侯齊侯宋公衛侯

鄭伯曹伯莒子邾子薛伯杞伯小邾子于

沙隨

按左氏會于商任錮欒氏也會于沙隨復錮欒氏也古者大夫去國君不掃其社稷不繫累其子弟

不收其田邑使入導之出疆又先之於其所往勅五典厚入倫也今晉不念欒氏世勲而逐盈又將搏執之而命諸侯無得納焉則亦過也楚逐申公巫臣子及請以重幣錮之楚子曰止彼若能利國家雖重幣晉將可乎若無益於晉晉將棄之何勞錮焉其賢於商任沙隨之謀遠矣

○公至自會○楚殺其大夫公子追舒

辛靈王二十二年

二十有二年

晉平八齊莊四衛獻二十七虜九蔡

景四十二鄭簡十六曹武五陳哀十九杞孝十七萃宋平二十六秦景二十七楚康

春秋集注

卷二十六

十一



春王二月癸酉朔日有食之○三月己巳

杞伯勾卒○夏邾畀我來奔○葬杞孝

公○陳殺其大夫慶虎及慶寅

按左氏慶虎無道求專陳國暴蔑其君畏公子黃之偏而愬諸楚曰與蔡司馬同謀楚人以為討公子黃奔楚愬之二慶以陳叛楚屈建圍陳殺二慶夫人君擅一國之利勢使權臣暴蔑其身而不能

遠欲去其親而不能保譖愬之於大國而不能辨至因夷狄之力然後能克則非君入之道也故二慶之死稱國以殺公子黃之出特以弟書者譏歸陳侯也凡此皆春秋端本之意

陳侯之弟黃自楚歸于陳○晉欒為盂復入

于晉入于曲沃

欒氏晉室之世臣故盂雖出奔猶繫於晉復入者甚逆之辭為其既絕而復入也曲沃者所食之地當是時權寵之臣各以利誘其下使為之用至於殺身而不避莫知有君臣之分者也故聞語欒孺

春秋左傳卷之十一 吳 樊十一



子者則或法或嘆以為得主而為之死猶不死也  
盈從之遂入絳乘公門若非天棄欒氏又有范鞅  
之謀晉亦殆矣原其失在於錮之甚急使無所容  
於天地之間是以至此極春秋備書之以見人而  
不仁疾之已甚亂也其為後世鑒豈不深切著明  
也哉

秋齊侯伐衛遂伐晉八月叔孫豹帥師救

晉次于雍榆○已卯仲孫速卒○冬十月

乙亥臧孫紇出奔邾○晉人殺欒盈○

齊侯襲莒

壬靈王二十有四年晉平九齊莊五衛

子十三年景四十三鄭簡十七曹武六陳哀二十杞

文公益姑元年宋平二十七秦景二十八

楚康十一吳諸樊十二

春叔孫豹如晉仲孫羯帥師侵齊○夏

楚子伐吳○秋七月甲子朔日有食之既



○齊崔杼帥師伐晉○大水○八月癸巳朔日有食之○公會晉侯宋公衛侯鄭伯曹伯莒子邾子滕子薛伯杞伯小邾子于夷儀○冬楚子蔡侯陳侯許男伐鄭○公至自會○陳鍼宜咎出奔楚○叔孫豹如京師○大饑

古者救災之政若國凶荒或發廩以賑之或移粟以通用或徙民以就食或為粥溢以救餓或興五作以聚失業之人緩刑舍禁弛力薄征索鬼神除盜賊弛射侯而不燕置廷道而不修殺禮物而不備雖有旱乾水溢民無菜色所以備之者如此其至是年秋有陰沴之災而冬大饑蓋所以賑業之者有不備矣故書之以為戒

癸靈王二十有五年 晉平十 齊莊六 魏十 晉獻二十九 虜十

一 蔡景四十四 鄭簡十八 曹武七 陳哀二十一 杞文二 宋平二十八 秦景二十九 楚康十二 吳諸樊十三 卒



春秋左傳卷之二十一  
春齊崔杼帥師伐我北鄙。○夏五月乙

亥齊崔杼弑其君光。

齊莊公見弑賈舉州綽等十人皆死之而不得以死節稱何也所謂死節者以義事君責難陳善有所從違而不苟者是也雖在屬車後乘必不肯同入崔氏之宮矣若此十人者獨以勇力聞皆逢君之惡從於昏亂而莊公嬖之者死非其所比諸匹夫匹婦自經於溝瀆而莫之知者猶不逮也晏平仲曰君民者豈以陵民社稷是主臣君者豈為其口實社稷是養故君為社稷死則死之為社稷亡

則亡之若為已死而為已亡非其私暱誰敢任之此十人者真其私暱任此宜矣雖殺身不償貴安得以死節許之哉

公會晉侯宋公衛侯鄭伯曹伯莒子邾子

滕子薛伯杞伯小邾子于夷儀

諸侯會于夷儀將以討齊齊使隰鉏請成慶封如師男女以班賂晉侯以宗器樂器自六正五吏三十帥二軍之大夫百官之正長師旅及處守者皆有賂晉侯許之夫晉本為報朝歌之役來討及會夷儀既聞崔杼之弑則宜下令二軍建而復旆聲於



齊人聞莊公之故執崔杼以戮之謀於齊衆置君以定其國示天討之義則方伯連帥之職脩矣今乃知賊不討而受其賂則是與之同情也故春秋治之如下文所貶云

六月壬午鄭公孫舍之帥師入陳○秋八月己巳諸侯同盟于重丘

崔杼既弑其君矣晉侯受其賂而許之成故盟于重丘特書曰同

公至自會○衛侯入于夷儀

鄭伯突入于櫟衛侯入于夷儀其入則一或名或不名者鄭伯奔正以位而國人君之諸侯助之不知其義不可以有國也故特書其名著王法以絕之衛侯茂其家卿失國出奔固不為無罪矣然有世叔儀以守有母弟鱄以出或撫其內或營其外有歸道焉則其義猶未絕也故止書其爵而不名及甯喜弑剽復歸于衛然後書名此聖人俟其改過遷善不輕絕久之意曾子曰夫子之道忠恕而已此類是也

楚屈建帥師滅舒鳩○冬鄭公孫夏帥師



伐陳十有二月吳子追伐楚門于巢卒

巢南國也其言門于巢卒者吳子將伐楚引師至巢入其門巢人射諸城上矢中吳子而卒非吳子之自輕而見殺也古者入境必假道過門必釋甲公國則不馳或曰古者大國過小邑小邑必飾城而請罪亦非巢之輕以一矢相加不飾城而請罪也

甲靈王二十有六年 晉平十一 齊景公 杵臼元年 衛獻三

十殤十二弒 蔡景四十五 鄭簡十九 曹武 八 陳哀二十三 杞文三 宋平二十九 秦景

三十 楚康十三 吳餘祭元年

春王二月辛卯衛甯喜弒其君剽

喜嘗受命於其父使納獻公以免逐君之惡衛侯出入皆以爵稱於義未絕而剽以公孫非次而立又未有說悅焉則喜之罪應未減矣亦以弒君書何也奕者舉棋不定不勝其耦况置君乎於行則殖也出之喜也納之於剽則殖也立之喜也弒之是奕棋之不若也不思其終亦甚矣故聖人特正其為弒君之罪示天下後世使知慎於廢立之際而不敢忽也霍光以大義廢昌邑立宣帝猶有言

春秋集註

卷二十六

二十四



其罪者而朝廷加肅况私意邪范粲桓彝之徒殺身不顧君子所以深取之者知春秋之旨矣

衛孫林父入于戚以叛甲午衛侯行復歸

于衛

按左氏孫林父以戚如晉書曰入于戚以叛者著據王皆君之罪也臣之祿君實有焉專祿以周旋戮也衛侯出奔齊入于夷儀皆以爵稱今既復歸而得國矣乃書其名何也人之有德慧術知者常存乎疾疢衛侯淹恤在外十有一年困於心衛音橫於慮又矣此生於憂患之時而一旦得國失信無

刑猶夫人也則是困而弗革雖復得國猶非其國也此見春秋侯人改過之深而責入自棄之重欲其強於為善之意也

夏晉侯使荀吳來聘公會晉人鄭良霄

宋人曹人于澶淵○秋宋公殺其世子痤

殺世子母弟直書君者甚之也宋寺人伊戾為太子內師無寵譖於宋公而殺之則賊世子座者寺人矣而獨其宋公何哉譖言之得行也必有嬖妾配嫡以惑其心又有小人欲結內援者以為之助然後愛惡一移父子夫婦之間不能相保者衆矣

春秋集註 卷二十六 二十五



凡此者其誰乎晉獻之殺申生宋公之殺廕直稱  
君者春秋正其本之意

晉人執衛甯喜八月壬午許男甯卒于楚

○冬楚子蔡侯陳侯伐鄭○葬許靈公

春秋集註卷之二十七終

春秋集傳卷之二十八

襄公四年

巳靈王二十六年 二十有七年 晉平十二 齊景二 衛獻三十一 蔡景四十

六 鄭簡二十 曹武九 陳哀二十三 杞文四 宋平三十 秦景三十一 楚康十四 吳餘祭二

春齊侯使慶封來聘 ○夏叔孫豹會晉

趙武楚屈建蔡公孫歸生衛石惡陳孔奐



鄭良霄許人曹人于宋○衛殺其大夫甯喜

甯喜既坐弑君之罪矣不以討賊之詞何也初衛侯使與喜言苟反政由甯氏祭則寡人甯氏納之衛侯復國患甯喜之專也公孫免餘請殺之曰微甯子不及此吾與之言矣對曰臣殺之君勿與知乃攻甯氏殺喜戶諸朝子鮮曰逐我者出納我者死賞罰無章何以勸沮君失其信而國無刑不亦難乎故稱國以殺而不去其官

衛侯之弟鱄出奔晉

衛侯之入使鱄與甯喜約言既殺甯喜鱄病失言遂出奔晉託於木門不鄉衛國而坐木門大夫勸之仕不可曰仕而廢其事罪也從之昭吾所以出也吾不可以立於人之朝矣終身不仕其稱弟罪衛侯也穀梁子曰鱄之去合也春秋

秋七月辛巳豹及諸侯之大夫盟于宋

此一地也曷為再言宋書之重詞之復其中必有大美惡焉宋之盟合左師欲弭諸侯之兵以為名而楚屈建請晉楚之從交相見自是中國諸侯南



春秋集註  
向而朝楚及申之會蠻夷之君莫弒之賊大合十  
有一國之衆而用齊桓召陵之禮宋左師鄭子產  
皆獻禮焉宋世子佐以後至遂辭而不見伐吳滅  
賴無敢違者聖人至是哀人倫之滅傷中國之衰  
而其事自宋之盟始也故會盟同地而再言宋者  
貶之也或者乃以宋之盟中國不出夷狄不入王  
帛之使交乎天下以尊周室為晉趙武楚屈建之  
力而善此盟也其說誤矣

冬十有二月乙亥朔日有食之

丙 靈王二十 二十有八年 晉平十三 齊景三  
七年崩 衛獻三十二 蔡景

四十七 鄭簡二十一 曹武十 陳哀二十四 杞  
文五 宋平三十二 秦景三十 楚康十五 卒 吳  
餘祭三

春無冰夏衛石惡出奔晉 邾子來朝

○秋八月大雩 仲孫羯如晉 冬齊慶封

來奔 十有二月甲

寅天王崩 乙未楚子昭卒

甲寅天王崩 乙未楚子昭卒 相距四十二日則閏

春秋集註

卷二十六

二十八



月之驗也然不以閏書見喪服之不數閏也齊景公葬書閏月明殺恩之非禮也

丁景王 二十有九年 晉平十四 齊景四 衛獻 三十三 蔡景四十八 鄭

簡二十二 曹武十一 陳哀二十五 杞文六 宋平三十二 秦景二十三 楚 郊敖康元年 吳餘 祭四 弒

### 春王正月公在楚

歲之首月公在他國者有矣此獨書公往楚者外為夷狄所制以俟其葬而不得歸內為強臣所逼欲擅其國而不敢入故特書所在以存君也按左

氏楚人使公親送夏四月送楚子葬至于西門之外還及方城季武子取卞以自封使公治告曰聞宋下者將叛臣帥師徒以討既得之矣公曰欲而言叛祇見疏也吾不可以入矣將適諸侯有賦式微者乃歸故特於歲首朝正之時而書曰公在楚使後世臣子戴天履地視君父之危且困者必有天威不遠顏咫尺見左傳僖公九年食坐見於羨墻之意而不以頃刻忘也此義一行豈敢有顧其身與妻子與其家而不恤國朋附權臣以圖富貴而背其君者乎

### 夏五月公至自楚 ○庚午衛侯行卒 閏



### 弑吳子餘祭

穀梁子曰：閹門者，寺人也不稱名，姓閹，不得齊於人，不稱其君，閹不得君其君也。禮君不使無耻，不近刑人，不狎敵，不邇怨，賤人非所貴也，貴人非所刑也，刑人非所近也。舉至賤而加之，吳子、吳子近刑人也。閹弑吳子餘祭，仇之也。左氏以為伐越獲俘焉，以為閹使守舟，吳子觀舟，閹以刀弑之，亦邇怨之失也。

仲孫羯會晉荀盈齊高止宋華定衛世叔

儀鄭公孫段曹人莒人滕人薛人小邾人

### 城杞

晉平公杞出也。合諸侯之大夫以城杞，古之建國立家者必親九族，然後及母族，有母族而後及妻族，此葛藟之詩所為次也。晉主夏盟，令行中國，平公不能脩文襄悼公之業，尊獎王室，恤宗周之闕，而夏肆是屏，輕棄諸姬，可謂知本乎。平王惟不撫其民，而遠屯戍于母家，周人怨思焉。揚之水，所以降為國風，不得列于雅也。城杞之役，亦不待貶絕而可見矣。



晉侯使士鞅來聘杞子來盟○吳子使

札來聘

札者吳之公子何以不稱公子貶也 辭國而生  
亂者札為之也故因其來聘而貶之示法焉按吳  
子壽夢有子四人長曰諸樊次曰餘祭次曰夷末  
札其季子也壽夢賢季札欲立以為嗣札辭不可  
然後立諸樊諸樊既除喪則致國於季子季子又  
辭而去之諸樊乃舍其子而立弟約以次傳必及  
季子故諸樊卒而餘祭立餘祭卒而夷末立夷末  
卒則季子宜受命以安社稷成父兄之志矣乃狗

匹夫之介節辭位以逃夷末之子僚僚既立諸樊  
之子光曰先君所以不與子國而與弟者凡為季  
子爾將從先君之命歟則季子宜有國也如不從  
先君之命則我宜立僚烏得為君於是使專諸刺  
僚而致國乎季子季子不受去之延陵終身不入  
吳國故曰季子辭國以生亂因其來聘而貶之示  
法焉或謂子貢問於孔子曰伯夷叔齊何人也曰  
古之賢人也怨乎曰求仁而得仁又何怨子貢以  
先聖賢夷齊知其惡衛輒之爭而不為也季子辭  
位獨不為賢而奚貶乎曰叔齊之德不越伯夷孤  
竹舍長而立幼私意也諸樊兄弟父子無及季札  
之賢者其父兄所為眷眷而欲立札公心也以其



私意故夷齊讓國為得仁而先聖之所賢以其公  
心故季子辭位為生亂而春秋之所貶苟比而同  
之過矣或曰世衰道微暴行交作臣篡其君者有  
之子篡其父者有之季子於是焉而辭位則將使  
聞其風者貪夫廉爭夫讓而篡弑奪攘之禍損矣  
其於名教豈不有補何貶之深也曰春秋達節而  
不守者也昔大伯奔吳而不反季歷嗣位而不辭  
武王繼統受命作周亦不以配天之業讓伯邑考官  
天下也彼王僚無季歷之賢武王之聖而季子為  
太伯之讓豈至德乎使爭弑禍興覆師喪國其誰  
階之也若季子之辭位守節立名全身自牧則可  
矣槩諸聖王之道則過矣中庸曰道之不明不行

也我知之矣季子所謂賢且智過而不得其中者  
也使由於季歷武王之義其肯附子臧之節而不  
受乎惜其擇乎中庸失時措之宜爾此仲尼所以  
因其辭國生亂而貶之也或曰吳子使札與楚子  
使椒秦伯使術一例爾吳楚蠻夷之國秦介戎狄  
之間其禮未同於中夏故使人之來皆略之而札  
何以獨為貶乎曰春秋多變例聖筆有特書荆楚  
無大夫而屈完書族王朝下士以人通而子突書  
季諸侯公子以名著而季友書子母弟之無列者  
不登其姓名而叔肸書氏皆賢而特書者也季札  
讓國天下賢之若仲尼亦賢季札必依此例或以  
字或以氏或以公子特書之矣今乃略以名紀此



於楚撤秦術之流無異稱焉是知仲尼不以其讓國為賢而貶之也噫世之君子盛稱季札之賢於讓國之際以為禮之太節不可亂也公子喜時春秋猶賢其後世見公羊傳昭公二十六年喜時即子臧於季札則何獨貶之深也曰仲尼於季子望之深矣責之備矣惟與天地同德而達乎時中然後能與於此非聖人莫能脩之豈不信夫

秋九月葬衛獻公○齊高止出奔北燕○冬仲孫羯如晉

戊景王 三十年 晉平十五 齊景五 衛襄公惡 午二年 蔡景四十九 弒鄭簡二

十三 曹武十二 陳哀二十六 杞文七 宋平三 十三 秦景三十四 楚郊敖一 吳夷末元年

春王正月楚子使遠罷來聘夏四月蔡世子般弒其君固○五月甲午宋災宋伯姬卒

穀梁子曰取卒之日加之災上者見以災卒也伯姬之舍失火左右曰夫人少避火喪曰婦人之義



春秋集註 卷二十一  
傳姆不在宵不下堂遂逮乎火而死婦人以貞為行者也伯姬之婦道盡矣詳其事賢伯姬也易曰恒其德貞婦人吉夫子凶而或以為共姬女而不婦非也世衰道微暴行交作女德不貞婦道不明能全其節守死不回見於春秋者宋伯姬耳聖人冠以夫謚書於春秋曰葬宋共姬以著其賢行勵天下之婦道也

天王殺其弟佖夫王子瑕奔晉秋七月叔弓如宋葬宋共姬○鄭良霄出奔許自許

入于鄭鄭人殺良霄

按左氏良霄汰侈嗜酒諸大夫皆惡之而與公孫黑爭黑因其醉伐之良霄奔許自許襲鄭以伐公門弗勝死于羊肆不言復入者其位未絕也若宋魚石晉欒盈去國三年其稱復入位已絕矣不言叛者將以滅國非直叛也若華亥之入南里宋辰之入蕭其書叛者皆據土皆君以自保未有滅國之謀也不言殺其大夫者非其大夫矣討賊之詞也

冬十月葬蔡景公晉人齊人宋人衛人



鄭人曹以莒人邾人滕人薛人杞人小邾人會于澶淵宋災故

春秋大法君弑而賊不討則不書葬况世子之於君乎蔡景公何以獨書葬遍刺天下之諸侯也非送之禮在春秋時視人情之疎密而為之者也有嘗同盟卒而不赴者有雖同姓赴而不會者則以哀死而致遂為輕弔生而歸賻為重必矣今蔡世子般弑其君藏在諸侯之策而往會其葬是恩義情禮之篤於世子般不以為賊而討之也人之所以異於禽獸中國之所以貴於夷狄以其有父子

之親君臣之義耳世子弑君是夷狄禽獸之不若也而不知討豈不廢人倫滅天理乎故春秋大法君弑賊不討則不書葬而蔡景公特書葬者聖人深痛其所為遍刺天下之諸侯也魯隱宋殤之賊不討則不書葬葬蔡景公賊亦不討而特書葬猶閱僖二公不承國於先君則不書即位桓宣篡弑以立而反書之也何以知聖人罪諸侯之意如此乎以下文書會于澶淵宋災故而貶其大夫則知之矣二百四十二年之間列會亦衆而未有言其所為者此獨言其所為何遍刺天下之大夫也大夫以智帥人者也智者無不知當務之為急不能三年之喪而總小功之察放飯流歆而問無



齒決是謂不知務祭世子般弑其君天下之大變人理所不容也則會其葬而不討宋國有災小事也則合十二國之大夫更宋之所喪而歸其財則可謂知務乎陳恒弑簡公孔子沐浴而朝告於哀公請討之公曰告夫三子者子曰以吾從大夫之後不敢不告也之三子告不可子曰以吾從大夫之後不敢不告也叔孫豹晉趙武而下皆諸侯上卿執國之政者也三綱國政之本至於淪絕無父與君是禽獸也禽獸避人雖得天下弗能一朝處矣昔者伯禹過門而不入放龍蛇也周公坐而俟且驅猛獸也今世子弑君三綱淪絕禽獸逼人則與之同羣而不恤有國者不戒于火自亡其財

苟其來告弔之可也則合十二國之大夫駐于澶淵而謀更其所喪尚為知類也乎夫祭之亂其猶人身有腹心之疾而宋之災譬諸桐梓與雞犬也謀宋災而不恤祭之亂奚啻於養桐梓求雞犬不顧其身有腹心危疾而不知療者執以為未之察也可謂不智苟察此而不謀則亦不仁矣是故諸國之大夫貶而稱入魯卿諱而不書又特言會之所為以垂戒後世其欲人之自別於禽獸之害也可謂深切著明矣或曰夫穆叔趙孟向戌子皮皆諸侯之良也而所謀若是何也世衰道微邪說交作以利害謀國家而不知本於仁義也久矣是以至此極孔子所為懼春秋所以作乎

春秋集註 卷二十六 三十一



**巳** 景王三年

三十有一年

晉平十六 齊景六 衛襄二 蔡靈公般元年

鄭簡二十四 曹武十三 陳哀二十七 杞文八 宋平三十四 秦景三十五 楚郊敖三 吳夷未二

春王正月夏六月辛巳公薨于楚宮○

秋九月癸巳子野卒

子般子赤弒而書卒子野過毀亦書卒何以別乎曰閔公內無所承不書即位則子般之弒可知下書夫人姜氏歸于齊上書公子遂叔孫得臣如齊

赤之卒也隱而不日則子赤之弒可知與子野異矣子野有命立昭公故穆叔雖不欲而不能止也

巳亥仲孫羯卒○冬十月滕子來會葬

癸酉葬我君襄公十有二月莒人弒其君

密州

經以傳為案傳有乖繆則信經而棄傳可也若密州之事是矣左氏稱莒子生去疾及展與既立展與又廢之莒子虐國人患焉展與因國人以攻莒子弒之乃立信斯言則子弒其父也而春秋有不



書乎故趙匡謂其文當曰展輿因國人之攻管子  
 弑之乃立而後來傳寫誤為以字爾左氏傳通諸  
 史叙事尤詳能令後人得見本末因以求意經文  
 可知而門弟子轉相傳受日月既久浸失本真如  
 善晉趙盾許世子止等事詳考傳之所載以求經  
 之本義可也而傳不可疑如莒人弑其君密州獨  
 依經之所言以證傳之謬誤可也而傳不可信盡  
 以為可疑而廢傳則無以知其事之本末盡以為  
 可信而任傳則經之弘意大旨或泥而不通矣要  
 在學者謹攷而精擇之可也

春秋集註卷之二十八終

春秋集傳卷之二十九

昭公一

公名稠。襄公妾齊歸之子。夫人孟子。二  
 十歲即位。在位二十五年。孫齊。在外七  
 年。凡三十二年。薨于乾  
 侯。謚法。威儀恭明曰昭。

庚 景王 四年 元年 晉平十七年 齊景七年 衛襄  
 申 四年 三年 蔡靈二年 鄭簡二十五  
 年 曹武十四年 陳哀二十八年 杞文九年  
 宋平三十五年 秦景三十六年 楚郟敖四



春秋集註  
卷二十一  
年卒吳夷  
未三年

春王正月公即位叔孫豹會晉趙武楚  
公子圍齊國弱宋向戌衛齊惡陳公子招  
蔡公孫歸生鄭罕虎許人曹人于虢

此陳侯之弟招也何以不稱弟諸侯之尊弟兄不  
得以屬通曰公子者其本當稱者也曰弟者因事  
而特稱之也所以然者諸侯非始封之君則臣諸  
父昆弟族人不得以屬戚君也會于虢尋宋之盟

而經何以不書在宋之盟楚人先軟若曰狎主諸  
侯則懼晉之先也故圍請讀舊書加于牲上而晉  
人許之觀其事雖若楚重得志晉少懦矣然春秋  
不貴脩盟晉人以信為本故每書必先趙武

### 二月取鄆

按左氏季孫宿伐莒取鄆莒人訛於會楚告晉曰  
尋盟未退而魯伐莒瀆齊盟請戮其使有欲求貨  
於叔孫豹而為之請者豹弗與曰諸侯之會衛社  
稷也我以貨免魯必受師是禍之也何衛之為雖  
怨季孫魯國何罪趙孟聞之請於楚由魯雖有罪  
其執事不避難子若免之以勸左右可也莒魯爭



鄭為日久矣苟無大害於其社稷可無亢也乃免叔孫其不曰伐晉取鄭者乘莠亂而取邑故不悉書為內諱也

### 夏秦伯之弟鍼出奔晉

按左氏秦后子有寵於桓如二君於景其母曰弗去懼選鍼遂出奔書此見人君寵愛其子不差以禮是禍之也鍼之適晉其車千乘司馬侯問焉曰子之車盡於此乎對曰此謂多矣若能少此吾何以得見叔齊曰秦公子必歸能知其過必有令圖令圖天所贊也後五年秦伯卒后子歸書曰弟者罪秦伯也夫后子出奔其父禍之而罪秦伯何也

春秋以均愛望人父以能友責人兄父母有愛妻猶沒身敬之不衰况兄弟乎兄弟翁而後父母順矣故不曰公子而特稱秦伯之弟云

### 六月丁巳邾子華卒 ○晉荀吳帥師敗

### 狄于太原

太原太原也按六月宣王北伐之詩其詞曰薄伐玁狁至于太原而詩人美之者謂不窮追遠討及封境而止也然則太原在禹服之內而狄人來侵攘斥宜矣其過在毀車崇卒以詐誘狄人而敗之非王者之師耳使後世車戰法亡崇尚步卒爭以



變詐相高日趨苟簡皆此等敬之矣書敗狄譏之也

### 秋莒去疾自齊入于莒

天下國家定于二吳楚僭號經不書葬土無二王也  
以忽繫之鄭則突不稱國以小白繫之齊則糾不書子國無二君也  
展輿乃莒子而去疾曷為又以國氏乎程氏曰去疾假齊之力以入莒討展輿之罪正也其以國氏與去疾之討有罪也此莒之公子曷為不稱公子自謂先公之子可以有國不疑遂立乎其位而無所稟也其書入者難詞也

### 莒展輿出奔吳

展輿莒子也曷為不稱爵為弒君者所立既立乎其位而不能討賊則是與醜聞乎故也斯不可以有國矣不可以有國則曷為以國氏程氏曰罪諸侯之與其立也虢之會展輿無列何以見諸侯之與其立乎莒雖以亂未能預會然許魯取鄆而在會者欲執叔孫則知諸侯之與其立矣亦以國氏惡崇亂也

### 叔弓帥師疆鄆田葬邾悼公冬十有一



# 月巳酉楚子麇卒

按左氏楚令尹圍將聘于鄭未出竟聞王有疾而還入問王疾縊而弑之使赴於諸侯應為後之詞曰共王之子圍為長初圍之未動於惡入預夏盟緝蒲為宮設服離衛中國大夫莫不知其有無君之心矣雖以疾赴曷為承為藏在諸侯之策乎當是時仲尼已生將志于學乃所見之世非祖之所逮聞也又曷為因之而不革乎曰此春秋之所以為春秋非聖人莫能脩之者也薨則書薨卒則書卒弑則書弑葬則書葬各紀其實載於簡策國史掌之此史官之所同而凡為史者皆可及也或薨

或不薨或卒或不卒或弑或不弑或葬或不葬筆削因革裁自聖心以達王事此仲尼之所獨而游夏亦不能與焉者也然則郊赦實弑而書卒何歟令尹圍弑君以立中國力所不加而莫能致討則亦已矣至大合諸侯于申與會者凡十有二國其臣舉六王二公之事其君用齊植召陵之禮而宋向戌鄭子產皆諸侯之良也而皆有獻焉不亦傷乎若革其為赴而正以弑君將恐天下後世以篡弑之賊非獨不必致討又可從之以主會盟而無惡矣聖人至此憫之甚懼之甚憫之甚者憫中國之衰微而不能振也懼之甚者懼人欲之橫流而不能遏也是故察微顯權輕重而略其篡弑以扶



中國制人欲存天理其義微矣

楚公子比出奔晉

辛景王五年 **二年** 晉平十八 齊景八 衛襄四 蔡靈二 鄭簡二十六 曹武十五

陳哀二十九 杞文十 宋平三十六 秦景二十七 楚靈王庚元年 吳夷末四

春晉侯使韓起來聘夏叔弓如晉秋鄭

殺其大夫公孫黑

按左氏鄭駟黑好在人上攻良霄而逐之又與公

孫楚爭室事見左傳襄三又將作亂去游氏代其位傷疾作而不果子產使吏數之曰爾有亂心無厭國不女堪專伐伯有而罪一也兄弟垂室而罪二也矯君之位而罪三也不速死大刑將至逐縊而尸之黑則有罪而鄭人初畏其強不之討也因其疾而幸勝之則亦云殆矣故稱國以殺累乎上也

冬公如晉至河乃復季孫宿如晉

按左氏晉少姜卒公如晉及河晉侯使士文伯來辭曰非仇讎也請君無辱公還季孫宿遂致服焉舉動人君之大節賢哲量之以行藏其道姦邪



窺之以作止其惡四鄰視之以厚薄其情故有國者必謹於禮而後動此守身之本保國之基也禮雖自卑而尊人亦不妄悅人以自辱昭公既不能據經守正失禮而妄動又不能從權適變無故而輕復終復失國出奔客死他境蓋始諸此行矣或曰禮者明微正於未動之前可也已至于河而見卻雖欲勿反將得已乎曰以周公之曾千乘之國輕身以脩鄰好乃欲卻而不納夫何敢若曰敵邑褊小敬事大國惟恐獲戾聞陳無宇見執於中都謂少姜之數於中適丁歷信也用是不違寧處駁履山川來脩弔事今若不獲進見剪為仇讎他國誰敢朝夕在廷脩事大之禮乎夫小國之去就從

違聽大國之令也若非仇儷齊人請陳無宇之罪何以令之也苟有二命又何以為盟主如此晉人其將謝過之不暇敢不納乎昭公習儀以亟觀左年而不明乎禮其及也宜經書公如晉至河乃復季孫宿如晉而昭公失國之因季氏逐公之漸晉人下比之迹不待貶絕而皆見矣

壬景王 三年 晉平十九 齊景九 衛襄五 蔡

陳哀三十 杞文十一 宋平三十七

秦景二十八 楚靈二 吳夷未五

春王正月丁未滕子原卒夏叔弓如滕



五月葬滕成公秋小邾子來朝○八月

大雩冬大雨雹○北燕伯欵出奔齊

按左氏燕簡公多嬖寵欲去諸大夫而立其寵人  
燕大夫比以殺公之外嬖公懼奔齊書曰北燕伯  
欵出奔齊罪之也君雖不君臣不可以不臣燕伯  
欲去諸大夫固不君矣而大夫相與比以殺其外  
嬖是威脇其主而出之也與鬻音拳之以兵諫無  
異而獨罪燕伯何哉大夫國君之陪貳以公心選  
之而不可私也以誠意委之而不可疑也以隆禮  
待之而不可輕也以直道馭之而不可辱也不則

是忽其陪貳以自危矣晉厲公殺三郤立晉童而  
弑於麗氏七年見成公十年漢隱帝殺楊史立郭分明  
而弑於趙村衛獻公茂冢鄉而信其左右亦奔夷  
儀父而後復也四年見左傳襄公十年故人主不尊陪  
貳而與賤臣圖柄臣者事成則失身而見弑事不  
成則失國而出奔此有國之大戒也春秋凡見逐  
於臣者皆以自奔為文正其本之意也而垂戒遠  
矣

癸景王四年晉平二十齊景十衛襄六蔡

七年靈五鄭簡二十八曹武十

陳哀三十一杞文十一宋平三十

八秦景二十九楚靈三三吳夷末六



# 春王正月大兩雹

陰陽之氣和而散則為霜雪雨露不和而散則為  
 戾氣疇靈雹戾氣也陰陽臣侵君之象當是時  
 季孫宿襲位世卿將毀中軍專執兵權以弱公室  
 故數月之間再有大變申豐季氏之孚也不肯端  
 言其事故暴揚於朝歸咎藏米之失夫山谷之水  
 藏之也周用之也徧亦古者本末備舉燮調之一  
 事耳謂能使四時無愆伏凄苦之變雷出不震無  
 雷霜雹則亦誣矣意者昭公遇災而懼以禮為國  
 行其政令無失其民雹之災也庶可禦也不然雖  
 得藏冰之道合於函風七月之詩其將能乎

夏楚子蔡侯陳侯鄭伯許男徐子滕子頓  
 子胡子沈子小邾子宋世子佐淮夷會于

申

申之會楚子為主而不殊淮夷是在會之諸侯皆  
 狄也其意也何楚虜弒麋以立而求諸侯於晉晉  
 人許之中國從之執徐子圍朱方遷賴於鄆城竟  
 莫校畏其強盛則曰晉楚唯天所相不可與爭城  
 陳不能救則曰陳亡而楚克有之天道也傳見左  
 滅蔡而又不能救則曰天將棄蔡以壅楚盈而降



之罰也事見左傳至使窮凶極惡師潰於訾梁身  
竄於棘里而縊於申亥人不致討而天自討之是  
責命于天而以人事為無益而弗為也而可乎弑  
君之賊在春秋時有臣子討之則衛人殺州吁是  
也有四鄰討之則蔡人殺陳佗是也臣子不能討  
之於內四鄰不能討之於外有與之會以定其位  
則齊侯及魯宣公會于平州是也有受其賂以免  
於討則晉侯及諸國會于扈是也然至此極矣則  
未有不以為賊而又推為盟主相與朝事之以聽  
順其所為而不敢忤者也故申之會不殊淮夷者  
以在會諸侯皆為夷狄之行皆王法之所當斥而  
不使夏變於夷之意也或曰晉叔向鄭子產宋向

成皆諸侯之良也謀其國至變於夷而不校何哉  
聖人以天自處賢者聽天所命春秋之法以人合  
天不任於天以義立命不委於命而宇宙在其手  
者也故楚麋書卒不單其偽赴於前諸侯會申與  
淮夷累數於後此以怒待人而責備賢者之意其  
垂訓之義大矣

楚人執徐子秋七月楚子蔡侯陳侯許  
男頓子胡子沈子淮夷伐吳執齊慶封  
殺之遂滅賴○九月取鄆冬十有一月



乙卯叔孫豹卒

甲景王

八年 五年

晉平二十一 齊景十一 衛襄七 蔡靈六 鄭簡二十九 曹武

十八 陳哀三十二 杞文十三 宋平三十九 秦景四十 卒 楚靈四 吳夷未七

春王正月舍中軍

按左氏舍中軍卑公室也初作三軍三分公室而各有其一及其舍之也四分公室季氏擇二一子各一皆盡征之而貢于公然則三軍作舍皆自三家公不與焉公室益卑而魯國之兵權悉歸于季

氏矣兵權有國之司命三綱兵政之本原書其作舍而公孫于齊薨于乾侯定公無正必至之理也已則不臣三綱淪替南蒯叛事見左傳陽虎專季孫囚定公五年傳而三桓之子孫微矣亦能免乎書曰舍中軍微詞以著其罪也

楚殺其大夫屈申 ○ 公如晉 夏晉 夏 晉 夷

以牟婁及防茲來奔

知莒之大夫名姓不登於史策微也牟夷莒大夫曷為以姓氏通重地也以地叛雖賤必書地以名其人終為不義弗可滅矣其書來奔是接我以利



春秋集言  
而我入其利兩讓之也為國以義不以利如以利則上下交征而國必危矣為已以義不以利如以利則患得患失亦無所不至矣春秋於三叛人雖賤特書其名以懲不義懼淫人為後戒也邑而言及者公羊所謂不以私邑累公邑是也

秋七月公至自晉○戊辰叔弓帥師敗莒

師于蚡泉○秦伯卒○冬楚子蔡侯陳

侯許男頓子沈子徐人越人伐吳

越始見經而與徐皆得稱人何也吳以朱方處齊

慶封而富於其舊宗惡也楚圍朱方執齊慶封殺之討罪也吳不顧義入棘櫟麻以報朱方之役秋道也楚於是諸侯伐吳則比吳為善而師亦有名其從之者進而稱人可也或者以詞為主而謂不可云沈子徐越伐吳故特稱人誤矣以不可為文詞而進人於越一字褒貶義安在乎且吳楚徐越雖比於夷狄而劉敞以為其實不同吳太伯之後也楚祝融之後也徐伯益之後也越太禹之後也其上世皆為元德顯功通于周室與中國冠帶之君無以異徐始稱王楚後稱王吳越因遂稱王王非諸侯所當稱也故春秋比諸夷狄雖然猶不欲絕其類是以上不使與中國等下不使與夷狄



均推之可遠引之可來此聖人慎絕人亦春秋之意也

乙景王六年晉平二十二 齊景十二 衛襄

丑九年八 蔡靈七 鄭簡三十 曹武十

九陳哀三十三 杞文十四 卒 宋平四

十秦哀公元年 楚靈五 吳夷未八年

春王正月杞伯益姑卒 ○葬秦景公

夏季孫宿如晉 ○葬杞文公 ○宋華合

比出奔衛

左氏曰宋寺人柳有寵太子佐惡之華合比請殺之柳聞坎用牲埋書而告公曰合比將納亡人之族既盟于比郭矣公使視之有焉遂逐合比於是華亥欲代為右師乃與柳比從為之徵公使代之宋公寵信閹寺殺世適座而父子之恩絕事見左六年逐華合比而君臣之義朕刑人之能敗國亡家亦可畏矣猶有任趙高以亡秦信恭顯十常侍以亡漢寵王守澄田令孜音茲以亡唐而不知鑒覆轍音車之轍者不亦悲夫凡此顛直書而義自見矣

秋九月大雩 ○楚遠罷帥師伐吳 ○冬



弩弓如楚 ○ 齊侯伐北燕

春秋集註卷二十九 終



